

支那疆域沿革略說

五

地180
996
部=

支那疆域沿革略說

輿地學會刊

支那疆域沿革略說

例言

- 一 支那疆域沿革圖成歷代版圖廣狹則得就圖知之至其盛衰變遷攻守勝敗等非圖上所能載因作此編以附之
- 一 自夏代至清代上下四千年間其事紛厯其書浩瀚固非一小冊子所能悉今據正史參以通鑑等諸書節取關歷代地理者尤務簡括識大要以資史傳參勘
- 一 秦代置郡兩漢仍之增益猶得按史以知其分合晉末亂離州郡芟殺無有統緒至隋更州郡之名而其實相同唐以後有道路省司之設則載之以括州郡
- 一 書中里數一從漢史

支那疆域沿革略說

日本 重野安繹 河田 同著

第一圖 夏代疆域沿革

九州之制蓋創乎黃帝周公職錄黃帝割地布九州漢書地理志黃帝方制萬里畫野分州或曰

顓頊所建帝王世紀杜氏通典黃帝敗炎帝於阪泉屬上禽蚩尤於涿鹿

今直隸保安州遂代神農氏為天子畫野分州得百里之國萬區邑於

涿鹿之阿遷徙往來無常處以師兵為營衛東至於海登丸山

在山東即秦西至於空桐在今平涼府登鷄頭在今平涼府西南至於江

登熊湘二山在長沙北逐葷粥居北塞

顓頊都帝丘今直隸開州北至於幽陵幽州南至於交阯今越南西至於流沙

支那疆域沿革略說 夏代疆域沿革

東至於蟠木未詳莫不砥屬

唐堯都平陽今山西平陽府協和萬邦首命羲和二氏歷象日月星辰敬

授民時羲仲居嵎夷日暘谷蓋今遼東羲叔居南交蓋五嶺邊素隱以

古之地名不可考者多矣一字和仲居西土日昧谷鄭立曰隴

兌和叔居朔方日幽都杜佑曰山海經幽州有幽以鎮四方時

有洪水汎濫天下命禹治之更制九州冀兩河兗濟海徐

海岱淮荆荆及豫荆梁華陽雍黑水西河修六府水火金

定五服甸侯綏東漸於海西被於流沙朔南暨聲教訖於四海

朔北方也朔南與東西對非有一地之可指胡渭曰南抵五嶺

北距大漠則及境而止不能越乎其外故云暨○一說丁傳曰

暨說文曰頗見也頗偏側也言此處日不當頂人僅見其偏側

耳即素問立於子而面午立於午而面子之處蓋太陽祗行赤道南北二十三度半而止其外則日躔所不到人之在二十三度半以外者皆背其極向日而立者也堯舜誕敷文德民之被

其光者東限於浩渺之海西限於遷徙之沙至朔與南則以日
頗見為界兩極之下寒冽異常居人鮮少故朔南暨為聲教訖
於四海東北鳥夷禹貢今本作鳥夷史記漢書並作鳥夷鄭玄
之證驗東北鳥夷日鳥夷東北之民賦食禽獸王肅曰東北夷

國也今本作鳥蓋東海鳥夷西戎崑崙在金城臨析支在河關
唐開元中所改也黨項渠搜今屬之屬莫不賓服當時禹跡所躡北至恒山南至
所居渠搜河套之屬莫不賓服衡山東至岫夷西至積石三危
其遠遠三苗名國在江淮荆州數為亂遷之於三危或在沙州東南
可知

流共工于幽陵放驩兜於崇山南裔也今屬殛殛同竄放於
羽山屬山東以變四夷虞舜代堯踐帝位都蒲阪今山肇十二
州分冀為幽并巡狩至于四岳東岳岱南岳衡南交趾西戎析

支渠搜北山戎息慎東鳥夷皆撫綏之

禹即天子位國號曰夏都安邑今山西又復九州會諸侯於會

稽而崩禹平水土有大功後世因有禹域之稱傳天下於子啟

支那疆域沿革略說

夏代疆域沿革

帝啓之時有扈氏今西安府鄠縣不服啓伐之大戰于甘同滅之仲康

之時羲和廢時亂日亂侯征之至於帝桀無道殷湯起兵破桀

於鳴條在安邑西滅之

殷之先祖契堯時封商今西安府商州至湯入遷湯革夏命始都亳今

州後屢遷徙因夏制無所變更爾雅有幽營而無青梁孫炎疑為商

雅之文未可據為商制氏羌來王殷室中衰諸夷皆叛武丁征鬼方楚地
紀年高宗伐鬼方下有次帝紂淫虐衛輝府淇縣周武王戰于
荆之文則鬼方屬楚可據帝紂淫虐衛輝府淇縣周武王戰于
牧野同誅之封紂子武庚於殷以續其祀封箕子於朝鮮古朝
遼東以東之地

附黃河變遷略記

黃河下流自古屢變遷每為患害其或決或塞無代無之今

舉其徙流之大者凡為六變 禹醜二渠自黎陽今大名府濬縣西

一北流為大河其末分為九派一東流為漯水入于海周定

王五年魯宣公七年北派東決入于漯又分而東北流至東光今屬

河間府景州合于漳水入于禹故道自禹時凡千六百六十餘歲王莽始建國三

年決于魏郡東汎合漯水又分至千乘今屬濟南府蒲臺縣入于海莽

不堤塞之自周定王五年六百七十二歲後漢明帝永平十三年命王景築

堤治之於是北瀆遂空水經謂之大河故瀆後漢以後河道概由東派

宋仁宗慶曆八年決于澶州商胡北流自魏州北歷恩冀合

漳水至清州今屬河間府地入于海漢唐之河亦廢自永平十三年九百七十七歲

嘉祐五年又決于魏州東流至德滄入于海於是河道為二

股神宗熙寧二年導東流而北流閉元豐四年復北流哲宗紹聖初又閉哲宗元符二年東流

支那疆域沿革略說

附黃河變遷略記

斷絕河竟北流金章宗明昌五年南宋光宗紹熙五年決于陽武今屬開封

府灌于封丘上等東流至梁山今屬山東省東平州為二派北派東

流由濟水故道入于海南派東南流併泗水入于淮水注于

海是為河流一大變至此禹跡蕩然不復存自慶曆八年百四十六歲元

世祖至元廿三年決于武陟今屬懷慶府東南流經開封歸德徐

州北合泗水入于淮自明昌五年九十六歲明昌以後河水大半入淮而北派猶未絕逮至元廿六年會通河成北派漸微明弘治中劉大夏築太行堤而北派遂絕始以一淮受全河之水至清道光中又

大潰北流遂為今日河道

第二圖 周代疆域沿革

周之先后稷堯時助禹平水土教民稼穡有功舜封之於郟今居北國西安府武不窟末年夏后氏政衰失稷官而奔戎狄之間今慶陽功縣

府至公劉修后稷之業百姓多歸焉子慶節立國於幽今西安府邠州

後三百餘歲古公亶父積德行義薰育即葦欲得其財物土地

攻之亶父走邑於岐下今屬鳳翔府始號周南有周原子季歷嗣居程亦

郢今陝西後漢西羌傳武丁征西羌鬼方竹書紀年武

咸陽縣東伐鬼戎丁三十五年周王季伐西落鬼戎即西羌與

荆楚鬼方異俘其王季歷兄泰伯仲雍避奔荆蠻自號句吳即吳之先文

王立復遵后稷公劉之業諸侯嚮之殷帝紂以為西伯西伯伐

犬戎居今西甯府西密須今平涼府靈臺縣等滅崇作豐邑今西安府鄠縣徙都之武

王即位殷紂暴虐率諸侯伐之庸在鄖陽府西南蜀今成都府羌即西鬻微

二戎在盧在襄陽府西南彭在成都府西北濮湖南常德府辰州府境之戎皆從之既克殷

徙都鎬在西安府距豐東二十五里

又建九州揚山會稽在紹興府數具區即太湖也川三江即松江婁江東江也浸五湖太湖東岸五灣也

支那疆域沿革略說

荆山衡山藪雲夢川江漢浸潁豫山華山藪圃田在河南中牟

出河南魯山縣入汝水澠水山沂山在山東臨朐縣東澠水

出湖北棗陽縣東北入潁水諸在河南歸德府東北川淮泗

浸沂沭沐水出沂雍山岳山在陝西隴州南藪弦蒲在隴州西

山至江南入淮雍川涇洧水出平涼府入渭洧水出弦蒲

藪合山醫無閭在盛京廣甯縣藪蕪蕪養在山東登州東川河

于涇幽濟浸藪時藪水出山東萊蕪縣東北入海時水出青州

府西合小冀山霍山在山西霍州東南藪揚紆一名大陸澤在

清河入海冀直隸鉅鹿縣境川漳有二濁漳出山西潞安府清

漳出太原府至直隸合入海浸汾潞汾并山常山即恒山藪昭

分青東境及遼西為幽

又辨九服侯甸男采衛蠻夷鎮藩

易祓曰禹五服帝畿在內帝畿千里而兩面各五百里數其

一面故曰五百里甸服自甸至荒皆數一面每面各五百里
數爲二千五百里兩面相去凡五千里職方氏所載則王畿
不在九服之內自方五百里之侯服至方五百里之藩服其
名凡九九服每面各二百五十里通爲二千二百五十里兩
面相距通爲四千五百里并王畿千里通爲五千五百里增
於禹者五百里之藩服耳然禹九州之外咸建五長東漸西
被卽成周藩服之域其名雖增而地未嘗增也王明逸曰考
周之幅員蓋不廣於禹立政言方行天下陟禹之迹則亦以
禹迹爲極耳

大封子弟功臣爲諸侯有齊太公望魯周公旦燕召公奭管叔鮮蔡叔度餘
各以次受封成王立管蔡與武庚作亂周兵誅之封宋微子衛康叔

支那疆域沿革略說

周代疆域沿革

晉唐叔洛邑以天下之中四方入貢道里均營之居九鼎焉東伐

淮夷殘奄在淮夷之北遷其君武王之時肅慎卽息慎來貢石柝楛矢

至是復來賀越裳氏在交趾南重譯獻白雉昭王之時王道微缺王

南巡不返卒於江上今長沙府湘潭縣東北有昭山穆王觀兵

征犬戎又以造父秦趙之先爲御至崑崙丘西王母西王母地名山海經曰西海之

南流沙之濱赤水之後黑水之前有大山曰崑崙之丘其時徐

偃王作亂王長驅而歸征之自是荒服不至諸侯有叛者至懿

王王室遂衰徙都犬丘西安府興平縣厲王暴虐國人襲之王奔于彘

晉地今平陽府汾西縣二相周公召公行政號曰共和宣王立修政征服四方

諸侯復宗周伐獫狁至太原今太原府城朔方四夷賓服稱爲中興

子幽王又淫虐申侯叛與犬戎共攻王弑之子平王立東遷于

雒邑是日東周周之盛時二南周南之化被於江漢列國邶鄘

鄭齊魏秦唐之詩則治亂賢否不同天子巡狩陳詩觀之以行衛王

黜陟之典昭穆以後寢以陵夷至東遷遂廢

周室既微諸侯相攻戎狄交侵於是五霸互興政由方伯齊桓

公西伐楚至召陵今開封府北伐山戎至孤竹今直隸會諸侯

於葵丘今歸德府晉文公攘戎狄赤狄納周襄王破楚兵於城

濮今東昌府作王宮於踐土今開封府及諸侯盟秦穆公破晉於

王官今蒲州得由余晉人亡服西戎益國十二開地千里楚莊

王至洛觀兵於周郊破陳鄭滅庸舒越王勾踐滅吳取其地北

渡淮及齊晉諸侯會於徐州致貢於周當是時戎狄或居陸渾

今屬河南或居西河今屬山西秦西有繇諸今鞏昌府畎戎即犬翟

支那疆域沿革略說

周代疆域沿革

六

今蘭州府獯即鞏昌北有義渠今慶陽府大荔今陝西同州烏氏

今平涼府胸衍今甯夏府之戎晉北有林胡樓煩燕北有東胡

山戎楚南有百濮即濮之夷各分散溪谷自有君長後百餘年

晉悼公和戎狄戎狄朝於晉又百餘年趙襄子踰句注山名在

陜山破之併代以臨胡貉秦厲共公滅大荔取其地諸侯之見

春秋可明記者凡十四國

魯 都曲阜今兗州府後至傾公楚滅之

齊 太公封營丘今青州府獻公遷臨淄同上

晉 封唐今太原府燮父遷晉今晉陽穆公遷絳今平陽府孝

公改曰翼文侯弟成師封曲沃滅翼復都絳景公遷新田

仍稱絳今平陽

衛 都朝歌文公遷楚丘今大名府滑縣成公遷帝丘亦謂濮陽元

后遷野王今懷慶府河內縣至君角秦廢之

宋 都商丘今歸德府至王偃齊滅之

鄭 都新鄭今屬開封府至君乙韓滅之

陳 都宛丘今陳州府至潛公楚滅之

蔡 封蔡今屬汝甯府平侯遷新蔡同昭侯遷州來今壽州地亦曰下

蔡至侯齊楚滅之

曹 都陶丘今曹州府至伯陽宋滅之

許 都許今許州靈公遷葉今屬河南府裕州悼公遷城父今亳州東南旋

還葉至斯鄭滅之 秦 非子邑秦今秦州莊公遷犬丘襄公遷汧今隴州南文公居汧

支那疆域沿革略說 周末七國疆域沿革 七

渭間甯公遷平陽今鳳翔府郿縣德公遷雍今鳳翔府獻公遷櫟陽今屬

西安府

楚 熊繹封丹陽今湖北歸州東南號荆僖公始改楚文王遷郢今荆

州府昭王遷都今襄陽府西南旋遷郢

吳 都吳今蘇州府至夫差越滅之

越 都會稽今紹興府至無疆楚滅之

其子男附庸之屬及夷裔錯居列國間者凡百餘國

第三圖 周末七國疆域沿革

周末諸侯強併弱大兼小威烈王廿三年趙造父封趙城今屬平陽府趙夙邑耿

今屬蒲州成子居原今屬懷慶府簡子居晉陽故晉都也獻侯

都中弁今屬河南府湯陰縣西後復居晉陽肅公徙邯鄲今屬廣平府魏晉封畢萬於魏城今解州芮城縣東北悼子遷霍今韓

晉封韓武子於韓原今陝西韓城縣宣子遷居州在今懷慶府東南貞子遷平陽今平陽府景侯遷陽翟今河南府禹州哀侯遷新鄭故列為諸侯分晉地安王十六年田和亦為諸侯篡齊鄭都也

都臨於是秦都見楚頃襄王遷陳考烈王遷鉅陽今燕都共為

疆國七淮泗之間小國十餘宋魯鄭滕薛邾等周室唯有河南七城河南

洛陽穀城平陰偃師鞏緱氏而已

齊威王擊趙衛破魏於濁澤屬山西解州今涇魏獻觀今東昌府觀城縣以和

又救趙敗魏於桂陵今曹州曹縣稱王令天下子宣王又破魏於馬

陵今大名府東南殺龐涓伐燕入其都子潛王滅宋分其地南割楚之

淮北侵三晉泗上諸侯鄒魯等皆稱臣

魏惠王敗趙於懷今懷慶府武陟縣敗韓於澮澮水在平陽府曲沃縣魯衛宋鄭

皆來朝築長城自鄭屬西安府華州濱於洛出慶陽府東南流入渭水春秋時與涇渭並曰三川

支那疆域沿革略說

周末七國疆域沿革

北有上郡

韓文侯伐鄭取陽城河南府登封縣伐宋至彭城徐州府執宋君子哀侯

遂滅鄭因徙都鄭昭侯用申不害國治兵強諸侯不敢侵伐韓

魏稍攻伊洛諸戎滅之其遺脫者皆西走踰汧隴自是中原無

復戎寇

趙襄子之時北有代南并知氏彊於韓魏至肅侯伐衛取都鄙

七十三蘇秦說六國侯為從約長子武靈王胡服變俗西取雲

中九原東滅中山北破林胡樓煩築長城自代並陰山之下至

高闕在塞外黃河北距大磧口凡三百里為塞置代雲中雁門三郡

燕昭王即位承子噲之亂卑身招賢國內殷富命樂毅伐齊下

諸城入臨淄東擊胡卻之千餘里亦築長城自造陽今直隸宣化府南

至襄平

今盛京省遼陽北

置上谷漁陽右北平遼東諸郡

楚滅江漢之國數十

鄧英夔江六蓼庸唐頓胡陳蔡莒等

有漢中及巴黔中之地

至威王敗越盡取故吳地至浙江破齊於徐州又遣莊躋伐滇

池

今雲南

後道塞不通躋留王滇子懷王與五國共代秦至函谷

關尋為張儀所誑與齊絕又伐秦大敗失漢中遂為秦所虜子

頃襄王立乘齊亂復淮北至考烈王滅魯春申君城吳故墟

今蘇州

府以為都邑

秦惠公伐蜀取南鄭

今漢中府

孝公擊獯戎斬其王衛鞅入秦王用

之富國強兵始築宮廷於咸陽

今西安府咸陽縣

徙都之并諸小鄉聚

集為大縣有四十一縣廢井田開阡陌惠文王立魏納陰晉

今華州

陰縣以請和三晉之亡實始於此尋納河西地及上郡又伐蜀

支那疆域沿革略說

周末七國疆域沿革

九

滅之益富彊遂取楚漢中置漢中郡昭襄王攻楚取郢為南郡

取巫及江南為黔中郡又置南陽郡義渠彊盛屢為秦惠王滅

之置隴西北地二郡

戎本無君長夏后氏未及商周之際或從侯伯征伐有功天子爵之以為藩服春秋

之時陸渾蠻氏戎稱子戰國之時大荔義渠稱王及其衰亡餘種皆反舊為會豪

蓋七國盛時其幅員秦楚最大齊趙次之魏燕又次之韓最小

秦南有巴蜀漢中北及上郡北地西跨隴右東至嶠函楚西有

巫黔中東包吳越至海南至洞庭蒼梧北至陘塞

即陘山在河南新鄭西南

郇陽

今屬陝西

齊南至宋魯北臨渤海西接大河東斗入於海趙北

有代常山南跨河漳東擁清河西越汾水魏東及淮潁西踰河

至固陽

今陝西榆林府北

北及太行南至鴻溝

即汴河也舊自滎陽東南至泗州入淮

燕

東隣朝鮮北接東胡西隣趙代南及滹沱易水韓北自成臯踰

河兼上黨南至宛今南陽府穰州西距宜陽今屬河南南府商版即商洛山在今

陝西南商州東南東臨洧水出禹州至陳州入潁水各方數千里合從連衡相攻伐

殆百八十年周分為東西西周居河南東周居鞏秦昭襄王降西周君莊

襄王併東周周亡

第四圖 秦代疆域沿革

秦莊襄王既滅周取韓成臯滎陽置三川郡定趙太原韓上黨置河東太原上黨三郡始皇立用李斯謀陰使辨士游說諸侯離其君臣然後使良將隨其後伐之五年取魏地置東郡十七年滅韓置潁川郡十九年滅趙廿一年破燕燕王奔遼東廿二年滅魏廿四年滅楚為楚郡後蓋改長沙郡廿五年攻遼東滅燕又滅代趙亡公子嘉為代王定楚江南地降百越君置會稽郡廿六年滅齊初支那疆域沿革略說

秦代疆域沿革

并天下於是稱皇帝都咸陽以京師為內史廢封建之制分天下以為三十六郡

三川河東太原上黨東郡潁川隴西北地

上郡黔中南陽南郡會稽漢中長沙蓋楚郡以上見上雲中因趙舊雁門

同代郡同上上谷因燕舊漁陽同上右北平同上遼西同上遼東同上九江楚滅

置之置之鄆郡同上邯鄲滅趙置之鉅鹿同上齊郡滅齊置之琅邪同上蜀郡滅蜀置之巴郡

同泗水蓋新置九原同上碭郡同上薛郡同上郟郡分薛置之

三十六郡說錢大昕曰三十六郡史記未嘗實指為某某郡也班孟堅地理志於各郡國下詳言其沿革其非漢置者或

云秦置或云故秦某郡或云秦郡并之正合三十六之數是

孟堅所說即始皇所分之三十六郡也自裴駰誤解史記以

略取陸梁地在分郡之後遂別而異之其注三十六郡與漢

史同者三十三別取內史鄣郡黔中以當之而秦遂有三十九郡矣晉志又增入閩中一郡合爲四十嗣後紛紛補湊似是實非史遷紀事皆言其大者始皇二十六年廢封建之制諸郡置守尉監皆領於天子此秦變古之一大端故特於是年書分天下爲三十六郡猶言廢封建爲郡縣耳言三十六郡則統乎天下矣非謂三十六郡盡置於是年也其以桂林象郡南海加數中者卽以本紀證之始皇卽位之初秦已有南郡河東太原上黨等數郡此諸郡皆在裴駟所舉三十六郡之數不疑前文之重沓而獨疑後文之預數所謂知其一未知其二者也又東越傳曰秦并天下以其地爲閩中郡閩中與南海三郡皆置於王翦定百越之時但其初雖有郡名

支那疆域沿革略說

秦代疆域沿革

十一

仍令其君長治之如後世羈縻州之類其後尉屠睢擊南越殺其君長始置官吏比於內地而閩中則仍無諸與搖治之是以不在三十六郡之數又漢志丹陽郡故鄣郡不云故秦鄣郡則非秦置可知

大昕獨於黔中郡不辨之

洪亮吉駁之曰三十六郡

內本無內史而以數不足強牽合之此則裴駟之妄矣宋劉

攸謂又秦三十六郡無鄣郡今考地理志

漢書

丹陽郡下班注

云故鄣郡而劉顯注司馬彪郡國志則明言丹陽郡卽秦鄣

郡且於故鄣縣下注秦鄣郡所治以迄圖經吳地記等無不

然而以爲秦無鄣郡則劉攸之妄矣至閣下

指大

以爲楚漢

之際所置此約畧之詞亦嫌無明據也亮吉以爲秦三十六郡細校地理志秦郡自河東至長沙共三十四郡皆見於班

固原注中

河東太原上黨三川東郡潁川南郡九江泗水鉅鹿齊郡琅邪會稽鄣郡漢中蜀郡巴郡隴西北地

上郡九原雲中雁門代郡上谷漁陽右北平遼西遼東邯鄲

他若黔中郡見史記楚世家郟郡見漢書高祖本紀及地理志

東海郡下應劭曰秦郟郡而魏收地形志亦云郟郡秦置漢高改為東

海郡御覽引十道紀海州東海郡秦為薛郡地後分薛郡為

郟水經注始皇二十三年置薛郡疑分薛漢改郟為東海郡

郟為郟即在二十六年并天下之後也

水經注沂水下郟故國也東海郡治秦始

始皇以為郟郡漢高帝二年更從今名郟郡由薛郡所分故

高祖本紀亦薛郡郟郡連書蓋薛郡入漢為魯國郟郡入漢

支那疆域沿革略說

秦代疆域沿革

三

為即在三十六郡內則益不敢為然蓋秦分三十六郡在始

考秦三十六郡皆未言及何也至閣下又以桂林南海象郡

為東海郡細核地理志自明是則秦有郟郡之明證而前人

皇二十六年而桂林等三郡之置則在三十二年相距尚八

年必不預為計及明矣又既數及桂林等三郡則閩中一郡

置又在三郡之前不宜反漏史記閩粵王傳秦并天下以其地為閩中郡按秦并天下在二十

十六年是閩中郡之置尚在桂林等三郡之先若統行數入即除內史及鄣郟二郡

不計外亦與三十六郡之數不符恐即如閣下言亦當慮前

後失據耳今從洪說○周制縣大而郡小秦置郡以統縣漢遂因之自隋唐以來廢置不一宋元設府於州明

制屬州於府而郡之名遂廢

又廢閩越王以其地為閩中略取陸梁地正義曰嶺南之人多處山陸其性强梁故

日陸為桂林今廣象郡今安南海今廣三郡於是有四十郡洪亮

吉曰秦制天下為四十郡除內史外其名皆見於史東至海暨記漢書故唐以前地志皆遵用之又非可意為增減朝鮮西至臨洮羗中南至交趾北據河為塞並陰山至遼東

初昭襄王築長城於隴西北地上郡以拒胡始皇三十三年蒙

恬斥逐匈奴收河南地即河套自榆中在今蘭州府西並河以東屬之陰

山以爲三十四縣築長城起臨洮今甘肅省狄道州至遼東延袤萬餘

里蓋其中有因昭襄王及趙燕而繕治之者因地形以制險塞蒙恬常居上郡統治

之其威振匈奴始皇作馳道於天下道廣五十步東窮燕齊南

極吳楚屢巡遊西巡隴西北地至鷄頭山在平涼府今作笄頭黃帝西至於崆峒登

鷄頭之山即是在也東上鄒嶧山在兗州府鄒縣泰山立石頌功德禪梁父在泰安府

東南登琅邪西南渡淮水之衡山南郡浮江至湘山在長沙府湘陰縣

遂歷南郡由武關在西安府高州東歸又東遊登之罘在登州府之碣石又

至雲夢在安陸府南浮江下過丹陽今江甯府至錢塘今杭州府臨浙江上會

稽還過吳至琅邪之罘並海至平原津屬濟南府德州罹病崩於沙丘

支那疆域沿革略說

秦代疆域沿革

在順德府平鄉縣

二世立時作阿房宮又役戍邊塞民不堪命於是羣雄並起陳

勝首反鳳陽府宿州南略地居陳號張楚武臣爲趙王魏咎爲魏王

田儻爲齊王劉邦起沛項梁項羽舉兵會稽郡景駒據郟兗州府郟

城韓廣據燕韓成據韓

項梁立楚懷王孫心爲楚懷王都盱眙屬鳳陽府泗州項羽大敗秦將

章邯於鉅鹿降之定河北劉邦別定河南入武關趙高恐弒二

世立子嬰爲秦王劉邦至霸上霸水在西安府東子嬰降秦亡項羽亦

至遂屠咸陽是時諸豪傑復稱六國各分置列郡多有出於三

十六郡之外者如吳郡之類是也

項羽既滅秦陽尊懷王爲義帝徙之江南都郴今湖南郴州羽自立

為西楚霸王梁楚地九郡泗水薛郊陽東郡都彭城今徐州府分
天下王諸將 漢巴蜀漢中三郡雍關中咸陽以西章邯都廢
丘後改塞咸陽以東司馬欣都櫟翟上郡地董翳都河南三川
槐里今西安府臨潼縣翟高奴今延安府代徙趙王常
洛陽韓成郡翟馬印都朝歌西魏都平陽代徙趙王常
山故趙地張耳都襄國今順遼東徙燕王韓廣都無終今薊
臧荼齊田都膠東齊地田市都即墨今濟北同田安都博
都薊臨淄膠東萊州府平度州東濟北陽今濟南府長
清縣西南既而田榮并臨江南郡共敖都江衡山
膠東濟北自為齊王臨江陵今荆州府江衡山
州九江今廬州府六安州共為十九國統數西楚

第五圖 兩漢疆域沿革

漢高帝元年定三秦雍塞以其地為渭南河上中地三郡尋并
曰內史隴西北地上郡復舊明年降申陽置河南郡故秦三以

支那疆域沿革略說

兩漢疆域沿革

西

韓襄王孫信為韓王穎川郡虜司馬卬更殷為河內郡悉定魏
地復河東上黨太原三郡三年克趙為常山郡定燕齊四年立
張耳為趙王故秦邯鄲以韓信為齊王都臨淄更九江為淮南英
布如五年滅項羽平臨江共敖即帝位定都長安今西安府六年築
城縣邑封建王侯

異姓王者七國 趙 淮南

楚淮北齊王韓信徙為楚王都下邳今淮安府邳州

梁魏故地立彭越為梁王都定陶今屬曹州府

韓 徙韓信王於太原仍稱韓都晉陽今太原府又徙馬邑復潁川郡

燕 臧荼反滅之立盧縮為燕王都薊

長沙長沙豫章地吳芮王之都臨湘今長沙府

尋皆剪除更封同姓

楚 以韓信為淮陰侯今淮安府以薛東海故郡彭城地立弟劉

交為王都彭城今徐州府○宣帝分置彭城郡尋復故後漢章帝復為彭城國

荆後吳分東陽後屬臨淮郡鄣武帝時改丹陽郡吳後入會稽郡地立從兄劉賈

為荆王都吳今蘇州府賈薨更為吳封兄仲之子劉濞都廣

陵今揚州府

代 以雲中雁門代郡立兄劉喜為代王都代韓王信滅更

封子劉恒并太原除雲中都晉陽

齊 以膠東膠西臨淄濟北博陽城陽地封子劉肥為齊王

都臨淄

趙 廢張耳子敖為宣平侯封子劉如意為趙王都邯鄲

支那疆域沿革略說 兩漢疆域沿革 五

梁 彭越誅封子劉恢為梁王都睢陽今歸德府

淮陽 分彭城地封子劉友為淮陽王都陳文帝為郡後漢章帝為陳國

淮南 英布反立子劉長為淮南王都壽春武帝復九江郡

燕 盧綰反立子劉建為燕王昭帝改廣陽郡宣帝為國

封功臣為侯者鄼屬沛郡蕭何後嗣徙南陽郡之鄼平陽屬河東郡曹參 留

屬楚國今入徐州府沛縣張良等共百餘人

又有閩越閩中地越王句踐後裔騶無諸王之

東甌 騶搖居之惠帝封為東海王

南越 故秦尉趙佗據之封為王都番禺今廣州府

漢初概因秦制以郡國統縣邑高帝增置郡國凡二十六

河內河南汝南景帝為國江夏豫章常山中山景帝為國清河同魏郡

涿郡勃海平原干乘後漢和帝改樂安泰山和帝分置濟北東萊東海故秦

廣漢定襄城陽文帝為國濟南同上桂陽武陵沛郡故秦泗水郡淮陽國

梁國故秦碭郡并內史漢志曰高祖增二

呂后以薛郡為魯國割齊濟南郡置呂國文帝除之

文帝即位分齊為七國

齊都臨淄 城陽都莒今屬青州府 濟北即泰山郡都盧今濟南府長清縣

菑川都劇今青州府壽光縣 膠東都即墨 膠西宣帝改高密 都高苑今屬

青州府 濟南景帝復郡 都東平陵今濟南府

分趙為二國

趙都邯鄲 河間都樂成今河間府獻縣

分淮南為二國

支那疆域沿革略說

兩漢疆域沿革

六

淮南都壽春 衡山武帝改六安 都六 盧江景帝為郡 都江南景帝

以邊越徙劉賜於衡山王江北漢志曰文帝增六其建國九城陽濟南因舊郡濟北即秦

山郡故皆不數

景帝平吳楚亂分吳為二國 魯都曲阜 江都武帝改廣陵 都江都

分梁為四國

濟川武帝為陳留都 都濟陽今開封府蘭陽縣 濟東武帝為大河郡宣帝改東平國後漢章帝

分置任 都無鹽今兗州府東平州 山陽武帝改昌邑國 都昌邑今兗州府金鄉縣 濟陰宣帝改定陶國哀帝復故 都定陶

分趙為四國

中山都盧奴今真定府定州 清河後為郡後漢桓帝改甘陵 都清陽今廣平府清河縣

常山武帝為郡 都真定今真定府 廣川宣帝改信都後漢明帝改樂成安帝改安平 都信

都今真定府冀州

分齊置北海郡

漢志曰景帝增六其建國九中山常山清河因其地兼郡連城天子所領內史隴西北地上郡雲中河東河南河內東郡潁川南陽南郡漢中巴蜀十五郡而已至是分

制之及武帝下推恩令諸侯惟食租稅不預政事

武帝雄才大略專務拓邊北征匈奴西域南平南越甌閩西南

略諸夷東定朝鮮匈奴遠遁漠北不復入寇

大將軍衛青出塞取北河之南復蒙恬之舊置朔方五原故秦九原

郡二郡尋築受降城及五原塞千餘里列亭障到盧胸徙貧民

實之驃騎將軍霍去病踰居延至祁連山即天置降者於塞外

為五屬國隴西北地上郡朔方雲中稱故塞五郡徙降者居之依本國之俗而屬於漢遂置酒泉匈奴

右地渾邪王地武威同上休屠王地張掖分武威敦煌分酒泉四郡

支那疆域沿革略說

兩漢疆域沿革

七

其後李廣利伐大宛今浩斬其王毋寡築亭障自敦煌至鹽澤

即蒲昌海屯田輪臺渠黎

張騫等使於西域踰葱嶺出大宛康居三十六國始通

西域諸國 婁耆樓蘭後鄯善且末小宛精絕戎盧扞彌渠勒于

闐今和闐皮山烏秣西夜蒲犁依耐無雷難當大宛桃槐捐毒

莎車今葉爾羌疏勒今喀什噶爾烏孫姑墨温宿今阿蘇龜茲今庫車尉黎

危須焉耆今哈喇沙爾烏貪訾離卑陸郁立師單桓蒲類今巴里坤且

彌切狐胡山車師今吐魯番現有三十八國後分為五十五

國康居大月氏安息今波斯罽賓今喀斯密爾烏弋不屬都護不在

數中西域東西六千里南北千餘里東接玉門關陽關西限

葱嶺有二道曰樓蘭西行至莎車為南道踰葱嶺出大月氏

安息自車師前庭至疏勒為北道出康居

路博德楊僕等平南越置南海秦置蒼梧鬱林故秦桂林郡合浦交趾

九真日南故秦象郡珠厓宣帝時廢儋耳昭帝廢入珠厓九郡又分長沙置零陵

郡楊僕韓說伐閩越降之遂徙東甌閩越民於江淮空其地

唐蒙司馬相如使西南夷諷諭之郭昌衛平等繼平之夜郎王

滇王先後入朝置牂牁舊夜郎越雋舊邛都沈黎舊荊都後廢入蜀文山後

作汶舊冉駹宣帝時入蜀武都舊白馬益州舊滇地六郡又置犍為郡始通夜郎時置

初東夷滅降置蒼海郡尋廢楊僕荀彘伐朝鮮置樂浪治朝鮮今平壤

臨屯治東曉昭帝廢入樂浪立菟治沃沮昭帝時徙高句麗地真蕃治雲昭帝時廢入立菟四郡

拓邊之業既成乃建十三部置刺史統郡國

司隸古雍州治河南 冀州治常山國高邑洛陽東北千里幽州治

支那疆域沿革略說 兩漢疆域沿革 六

廣陽郡薊洛陽東北二千里并州治太原郡晉陽洛陽北里數闕兗州

治山陽郡昌邑洛陽東八百里徐州治東海郡郟洛陽東千里

青州治齊國臨淄洛陽東千八百里揚州治九江郡歷陽洛陽東千五百里

里 荊州治武陵郡漢壽洛陽南二千里豫州治沛國譙洛陽東南千里

百 益州古梁州治廣漢郡雒洛陽西三千里涼州古雍州治漢陽郡

隴洛陽西千百里交阯治蒼梧郡廣信洛陽南六千四百十里○

據後漢書前漢時司隸蓋治長安

分內史為左右遂更京兆尹右內史右扶風同上左馮翊左內史

分趙國置平千國今廣平府宣帝改廣平分常山國置真定國今正定府分東

海郡分泗水國今淮安府邳州宿遷縣東南

武帝增置二十八

右扶風左馮翊弘農陳留臨淮後漢明帝改下邳零陵犍為越嶲益

州牂牁武都天水明帝改漢陽武威張掖酒泉敦煌安定西河朔

方玄菟樂浪蒼梧交阯合浦九真以上郡平干真定泗水以上國

漢志曰武帝增二十八南海鬱林日南即秦置沈黎文山珠厓儋耳臨屯真蕃後皆廢故不數

昭帝分隴西置金城郡今蘭州府烏桓反擊破之

宣帝神爵元年趙充國破西羌留屯田湟中湟水左右之地後漢順帝增置二

年始置西域都護於烏壘城距陽關二千七百餘里督察三十六國初西

域雖貢獻於漢實役屬匈奴至是皆服於漢號令遐布尋匈奴

亂五單於爭立互相屠殺甘露三年呼韓邪單于來降居之漠

南郅支單于西北徙堅昆邊塞始靖

前漢郡國百三縣邑千三百十四道三十二侯國二百四十

支那疆域沿革略說 兩漢疆域沿革 九

疆域東西九千三百二里南北一萬三千三百六十八里戶

千二百二十三萬三千六百二十二口五千九百五十九萬四千

九百七十八據平帝元始元年所算

王莽收西羌之地鮮置西海郡省州為九省幽并交阯涼為雍益為梁併司隸于雍

改易京師及州界郡名屢變更民不能記

羣盜赤眉並起諸豪割據

劉玄據長安 公孫述據蜀 隗囂據隴右 王郎據邯鄲

李憲據淮南 張步據琅邪 董憲據東海 竇融據河

西 盧芳據安定

後漢光武帝劉秀建武元年即位於高邑常山郡都洛陽十三年省

縣四百餘并西京長安及諸郡復十三部刺史制

廣平入鉅鹿真定入常山河間入信都城陽入琅邪泗水入

廣陵菑川高密膠東入北海六安入廬江廣陽入上谷明帝復廣

陽和帝分樂成置河間

自王莽之亂匈奴略有西域諸國屢寇邊莎車獨不屬遂服五

十五國漸驕橫車師等十八國懼請都護帝不許諸國復附匈

奴尋匈奴內亂分爲南北南單于內屬入居雲中後徙西河破北單

于北單于却地千里匈奴稍衰而西羌烏桓鮮卑漸強盛數入

寇馬援祭彤等擊降之交阯及武陵蠻反馬援平之置護羌校

尉居金城烏桓校尉居上谷督護羌胡

明帝之時西南夷哀牢內附置永昌郡伐北匈奴取伊吾盧今

密置屯田章帝罷之順帝復置帝聞西域有佛遣使求其道得書及沙門還

支那疆域沿革略說

兩漢疆域沿革

三

班超降鄯善于闐定疏勒竇固定車師置西域都護後屢有廢興西

域復通中絕六十五年和帝之時復叛班超降月氏莎車龜茲姑墨諸

國爲都護居龜茲又平焉耆尉黎五十餘國皆內屬遣使大秦

羅條支巴勒馬斯窮西海皆前世所未至也超在西域三十餘年歸

後撫御失方西域復叛

安帝之時先零復起烏桓鮮卑南匈奴高句麗夫餘等皆叛連

年侵寇邊郡日蹙置廣漢蜀犍爲張掖居延遼東等屬國都尉

徙西域東夷內屬者領護之

順帝置玄菟屯田分會稽置吳郡靈帝分漢陽置南安郡獻帝改更

載三國沿革之首後漢郡國百五縣邑道侯國千百八十戶九百六

十九萬八千六百三十口四千九百十五萬二百二十據順帝永

和五年
所算

匈奴 其先夏后氏之苗裔曰淳維殷時奔居北邊逐水草
遷徙無城郭常居當秦時東胡疆而月氏盛匈奴單于曰
頭曼避秦北徙秦亂稍度河南與中國界太子曰冒頓殺
父自立始疆東滅胡西走月氏南併樓煩白羊等悉收蒙
恬所奪河南地左部居東方直上谷以東接穢貉朝鮮右
部居西方直上郡以西接氏羌而單于庭直代雲中各有
分地樓蘭烏孫呼揭及其旁二十六國皆服從漢初攻馬
邑降韓王信南踰旬注至晉陽高帝擊之冒頓圍帝於平
城七日去遂與和文景之間邊無大寇子老上立破月氏
月氏西遁至武帝絕和使魏青霍去病等伐匈奴大破之

支那疆域沿革略說

兩漢疆域沿革

三

伊穉邪單于遠遁漠南無王庭漢置河西四郡絕胡羌之
路北至眩雷爲塞匈奴益西北左直雲中右直酒泉敦煌
昭帝時壺衍鞬立國內乖離宣帝時丁零烏桓烏孫來攻
匈奴衰握衍胸鞬立凶惡內亂起左地立呼韓邪單于攻
胸鞬胸鞬自殺右賢王等立屠耆單于當是時呼揭王右
莫鞬王車犁烏籍都尉自立爲單于有五單于屠耆擊破
車犁烏籍呼揭去單于號并力輔車犁呼韓邪襲屠耆屠
耆敗死車犁降復都單于庭兄郅支自立在東邊攻呼韓
邪取其庭呼韓邪遂降漢來朝留居漢南光祿塞下郅支
亦來貢郅支北取烏揭堅昆丁零併之都堅昆堅昆東去
單于庭七千里南至車師五千里復叛到康居漢陳湯等

誅之呼韓邪北歸於庭其國遂定後數世朝貢至王莽篡位發兵伐匈奴耗擾不止單于乃叛光武初左部轉居塞內屢入寇蒲奴立是爲北單于南邊八部立呼韓邪孫比又號呼韓邪單于是爲南單于內附擊破北單于人居西河美稷北匈奴亦請和和帝時北部衰弱於除鞬居蒲類海南單于與漢擊滅之南部亭獨立右莫鞬王逢侯叛於塞外立左右二部自領右部屯涿邪山下左部屯朔方西北安帝時爲鮮卑所破降漢順帝時南匈奴吾斯等叛單于休利自殺漢立呼蘭若斬吾斯桓帝時鮮卑彊盛盡據匈奴故地靈帝時國人殺單于羗渠立須卜骨都侯羗渠子於扶羅詣闕自訟時天下大亂乃止河東須卜立一年

支那疆域沿革略說

兩漢疆域沿革

三

死南庭遂虛其位

朝鮮 箕子之後朝鮮侯周末自稱王後子孫稍驕虐燕遣將秦開攻其西方取地二千餘里至滿潘汗爲界朝鮮遂弱秦并天下朝鮮王否服屬子準立二十餘年天下亂燕齊趙民稍亡歸準準置之於西方漢興修遼東故塞至沮水今鴨綠江爲界燕王盧縮反燕人衛滿聚黨千餘人東走出塞度沮水詣準降準信寵之滿誘黨攻準走之遂役屬眞蕃朝鮮及故燕齊亡在者王之都王險今平壤至孫右渠叛漢殺遼東東部都尉涉何楊僕等擊之武帝元封三年國人殺右渠降

烏桓 亦作烏丸東胡也匈奴冒頓滅其國餘類保烏桓山

因爲號俗善騎射其性悍驚常臣服匈奴歲輸牛馬昭帝時漸疆叛匈奴擊破之漢又遣度遼將軍范明友擊破之宣帝時保塞降附其在上谷塞外白山者最疆富光武時伐匈奴破之匈奴北遷數千里漠南地空建武二十五年大人郝旦等朝貢封爲侯王數十人使居塞內布於緣邊諸郡給其衣食爲漢偵候助擊匈奴鮮卑永平中漁陽雁門烏桓叛入寇遼東太守祭彤擊破之復稍親附至安帝以後復叛屢寇邊

鮮卑 亦東胡也別保鮮卑山因爲號言語習俗與烏桓同其地東接遼水西當西城與烏桓相接未嘗通漢光武時匈奴損耗而鮮卑遂盛建武三十年大人於仇賁朝貢封

支那疆域沿革略說

兩漢疆域沿革

三

爲王永平中祭彤率伐烏桓鮮卑大人并詣遼東受賞永元中耿夔破匈奴鮮卑因此據其地後或叛或降桓帝時大人檀石槐勇健有智略部落畏服兵馬甚盛立庭於彈汗山歡仇水上距代郡高柳北三百里南抄緣邊北拒丁零東卻夫餘西擊烏孫有東西四千餘里南北七千餘里分其地爲東中西三部從右北平以東至遼東接夫餘穢二十餘邑爲東部從右北平以西至上谷十四邑爲中部從上谷以西至敦煌二十餘邑爲西部各有大人後數世至步度根諸大人世相傳習

西羌

出自三苗舜徙之三危

在今沙州衛東南

河關之西南羌地

是也濱於賜支

禹貢析支

至于河首綿地千里南接蜀漢徼外

西北鄯善車師諸國隨水草以產牧爲業疆則爲酋豪弱則爲附落秦時爲十七種漢初匈奴臣服之武帝時先零等通匈奴入寇隴西將軍李息平之羌乃去湟中依西海鹽地左右光武時燒當羌滇良破先零等居大榆始疆子滇吾常雄諸羌數爲邊患永平元年中郎將竇固擊破之滇吾遂降後迷吾迷唐麻奴等叛與先零別種滇零及鍾羌諸種等大爲寇掠東犯趙魏南入益州安帝時邊吏爭徙郡縣以避難至順帝時稍得平定西羌凡百五十種其九種在賜支河首以西其五十二種衰少不能自立其八十九種惟鍾最彊盛有兵十餘萬其餘大者萬餘人小者數千人更相抄盜盛衰無常

支那疆域沿革略說

兩漢疆域沿革

三

第六圖 三國疆域沿革

後漢靈帝中平元年黃巾賊起六年獻帝立董卓擅權初平元年關東起兵討卓卓遷都長安尋爲王允所誅時羣雄割據諸州

冀 袁紹居鄴今彰德府臨漳縣 併青幽并三州 兗 曹操居鄆

今東昌府濮州 并豫州 淮南 袁術初居南陽後遷壽春 徐

陶謙居彭城後保鄴今兗州府沂州鄒城縣 後劉備呂布居下邳 荆

劉表居襄陽子琮嗣 益 劉焉居綿竹今成都府漢州德陽縣 後

遷成都子璋嗣 涼 韓遂馬騰據之 幽 劉虞居薊後

公孫瓚居易今保定府雄縣 爲袁紹所滅 遼東 公孫度居襄平

在今遼陽北 自稱遼東公平州牧分遼東爲遼西中遼置營州於

東萊 吳 孫策居吳并丹陽會稽豫章 漢中 張魯居南鄭

建安元年曹操迎帝都許改許昌今開封府許州政令皆出其手操滅呂

布并徐州袁術死并淮南揚州九江郡置司隸校尉於弘農以治關

中四年孫策卒弟權嗣立有江東五年曹操大敗袁紹劉備奔

荊州尋紹卒操攻冀州平之袁氏亡并青并幽居鄴十三年伐

荊州劉琮降劉備與孫權共破操於赤壁分荊州南郡零陵武陵長沙四郡

屬劉備江夏桂陽二郡屬孫權南陽一郡屬曹操備居公安武零郡孱陵備改名今屬荊州府權定交

州八年改交州都秣稜本金陵改名建業

十八年曹操廢司隸并十三州為九州

青 兗 豫 并司隸之弘農河南 徐 荆 并交州 揚 冀 并幽并二州及司隸

支那疆域沿革略說

三國疆域沿革

三

之河東河內 益 雍 興平元年分涼州之河西四郡置雍州於是并司隸之京兆及涼州

操敗馬超騰于韓遂於關西尋定關隴先是劉璋迎劉備十九年

備襲璋降之取益州都成都曹操降張魯取漢中還為魏王劉

備遂有漢中稱漢中王初吳蜀定荊州之界以湘水為界南郡

零陵武陵以西屬蜀長沙桂陽江夏以東屬吳關羽在荊州圍

魏襄樊吳襲殺之取荊州

獻帝之時新置郡凡二十四

漢安 中平六年 永甯 初平元年 永陽 同四年分漢陽上郡後廢 新平 興平元年

分扶風 西海 同二年置在居延 陽安 建安二年分汝南 譙 分沛 城陽 同

年分 利城昌慮 分東海 長廣 五年分 漢甯 同六年分 襄陽 同

三年分 南鄉 分南陽 西城 分漢中 上庸 分西城後省魏太

四年復省景初元西郡分張掖陰平本廣漢屬樂陵分平原西平

年復分魏興置分金漢興分關中新興靈帝末羌胡大擾定襄雲中五原朔方

始集塞下荒地郡置高涼蓋靈帝末帶方公孫度分

曹操薨子丕文受漢禪都洛陽與長安許昌改元黃初二年劉

備即帝位於成都改元章武孫權遷都武昌本鄂今武昌明年

建元黃武三年蜀章武二年劉備伐吳敗歸至永安巴東郡魚

白帝為永安今夔州府崩子禪立改元建興是歲西域復通於魏置戊己

校尉益州永六年蜀建興三年蜀諸葛亮南征至滇池定南中四郡昌州永

越昌州永明帝太和元年蜀建興五年亮始伐魏三年蜀建興七年

取武都陰平連出兵祁山在今鞏昌是歲孫權稱帝遷都建業

支那疆域沿革略說三國疆域沿革

孫皓甘露元年遷六年蜀建興十年魏改封諸侯王皆以郡

昌明年復遷建業吳嘉禾元年魏改封諸侯王皆以郡

為國魏制諸侯王皆寄地空名而無其實王國各有老兵百餘

官以伺察之雖有王侯之號而儕景初元年蜀建興十五年遼

於匹夫皆思為布衣而不能得吳嘉禾六年

東公孫淵自稱燕王改元明年司馬懿擊平之以遼東昌黎樂

浪玄菟帶方五郡為平州後廢合元帝景元四年蜀炎興元年

六司馬昭代蜀劉禪降幽州吳孫休永安

魏地有十三州郡國九十一〇貫得漢十三州之九

司黃初元年領六郡治河南荆黃初三年以江北入郡南

郡江夏宜都為荊州江南諸郡零陵桂陽武陵魏興新城南

長沙等為鄧州尋孫權拒命復鄧州為荊州領八郡治襄

陽 豫領九郡初治譙尋治潁川 青領五郡治臨淄 兗

領八郡治鄆 揚領三郡初治合肥後治壽春 徐領六郡

治彭城 涼黃初九年復置領入郡治武威 秦同年置領六郡治上

邽正始五年廢領十三郡治鄴 幽黃初元年復置領十一郡治薊

并同上陘領領六郡治晉陽 雍領六郡治長安

魏新置郡凡二十一

新城建安初劉表分漢中置房陵郡黃初二年分廣

平分魏郡魏興建安二十四年劉備分漢中平昌黃初三年

范陽本涿郡燕本廣昌黎改遼東弋陽分汝南安豐分廬江朝歌分

內京兆本京尹馮翊本左馮翊扶風本右扶風廣魏本永陽淮南建安初袁

魏因義陽景初元年錫初元年省入魏興汝陰分沛國東

莞正始初平陽正始八年

蜀地有三州郡國二十二○實

支那疆域沿革略說

三國疆域沿革

三

益領十二郡治成都 梁分益領十郡治漢中 涼分武都

郡置之○交州以

蜀新置郡凡十三

巴西建安六年劉璋以永甯為巴東巴東建安二十一年劉

郡章武元年涪陵分巴梓潼建安二十三年江陽同五年劉璋

漢嘉本蜀郡屬國朱提本犍為屬宕渠建安中分巴西宜都

建安十三年曹操分南郡枝江以西為臨建甯建興二年雲

江郡尋敗還十四年劉備改宜都後入吳建甯改益州郡雲

南甯永昌興古甯牂牁東廣漢漢蜀滅廢

吳地有五州郡國四十三○實揚領十三郡治建業 荆領十四郡治南郡 郢領郡治江夏 交黃

五年領七郡治龍編今安南廣同上分交州復領七郡治番禺

吳新置郡凡三十

廬陵孫策分豫章新都建安十三年分丹陽鄱陽同十五年分豫章武昌同二十五年分江夏

蕪春同十二年分江夏晉入西陽臨賀分蒼梧高興分高涼合浦同永安六年分置治

寧東安黃武五年分吳會稽尋陽彭澤建安十四年分豫章廬江珠官本合浦尋廢珠厓

赤烏五年復置湘東太平二年分長沙東部衡陽長沙西部臨海分會稽東部臨

川分豫章建安永安三年分會稽南部建平分宜都天門同六年分武陵始安分露

元分南始興分桂陽南部東陽寶鼎元年分會稽吳興分吳丹陽邵陵分零陵

安成同二年分豫章廬陵新昌建衡三年分交趾或曰本名武平同

九德分九真桂林鳳皇三年分鬱林黔陽分武陵

匈奴 單于於扶羅入居平陽久住塞內與編戶大同而不

輸貢賦弟呼厨泉嗣建安二十一年入朝於鄴曹操留之

支那疆域沿革略說

三國疆域沿革

三

使右賢王去卑監國單于給錢穀如列侯分其眾為左右

前後中五部左部居太原茲氏右部居祁南部居蒲子北

部居新興中部居太陵各立貴人為帥選漢人為司馬監

督之帥皆稱劉氏

烏桓 有遼西遼東屬國上谷右北平四部遼西大人丘居

力最彊靈帝末中山太守張純反依丘居力自稱彌天安

定王劉虞平之丘居力從子蹋頓代立有武略助袁紹擊

公孫瓚破之建安十一年曹操征之破之柳城斬蹋頓平

四部烏桓校尉閻柔統遺落徙居中國率與征伐由是烏

桓為天下名騎二十三年代郡上谷烏桓叛曹操子彰擊

大破之

鮮卑 建安中曹彰伐烏桓鮮卑大人軻比能觀望強弱烏桓敗乃請服軻比能勇健康廉不能威制諸部最為強盛部落近塞中國人多亡叛歸之數為邊寇幽并苦之青龍元年殺步度根入寇并州與魏軍戰於樓煩雁門郡破之三年幽州刺史王雄殺之種落離散邊陲稍安初建安中定襄雲中故縣棄之荒外甘露三年索頭部大人拓跋力微徙居定襄之盛樂力微之先世居北荒可汗毛始強大統國三十六大姓九十九後五世至推寅南遷大澤又七世至鄰使其兄弟及族人分統部眾為十族子詰汾又南遷始居匈奴故地子力微部眾浸盛諸部皆畏服之

高句麗 在遼東之東千里南與朝鮮濊貊東與沃沮北與

支那疆域沿革略說

三國疆域沿革

三

夫餘接方可二千里戶三萬多大山深谷人隨為居少田業力作相傳為夫餘別種有涓奴絕奴順奴灌奴桂婁五族漢武帝滅朝鮮以高句麗為縣光武建武八年朝貢始稱王後屢寇遼東建安中王伊夷模時公孫康擊破其國焚燒邑落伊夷模更作新國子位宮立有勇力善獵射數為侵叛正始七年幽州刺史母丘儉擊破之遂屠丸都在鴨綠江上流位宮奔買溝北沃沮地玄菟太守王傾追過沃沮千餘里至肅慎南界

第七圖 西東晉疆域沿革

晉武帝

司馬炎

受魏禪都洛陽置秦

秦始五年分雍涼梁三州之七郡太康五年廢七年復置

監

秦始七年分益州南中四郡太康五年廢惠帝復置

平

秦始十年分幽州五郡

三州滅吳取揚荆

合郢交廣四川改置司州魏置於鄴今遷河南於是有十九州郡國百七十三戶二百四十五萬九千八百四十口千六百十六萬三千八百六十三

司治洛陽 兗治廩丘今東昌府濮州范縣東南 豫治項城今開封府陳州項城

縣 冀治房子今正定府趙州高邑縣西南 并治晉陽 青治臨淄

徐治彭城 荆治襄陽後遷江陵 揚治壽春後遷建業

涼治武威 雍治京兆 秦治冀城今鞏昌府伏羌縣 後遷上邽

益治成都 梁治南鄭 寧治雲南 幽治涿 平治昌黎

今屬承德府 交治龍編 廣治番禺

惠帝置江州元康元年分揚荆二州之十郡 治豫章後遷武昌康帝之時寄治

半洲今九江府西 簡文帝之時遷尋陽懷帝置湘州永嘉元年分荆廣二州之八郡

支那疆域沿革略說 西東晉疆域沿革 三

治長沙成帝廢安帝復置尋廢 有二十一州

初武帝革魏孤立之弊大封宗室晉制王不之國官於京師或登三公或鎮要地 惠帝

暗弱賈后擅政入王亂起骨肉相殘

汝南司馬亮 楚司馬璋 趙司馬倫 齊司馬冏 長沙司馬

成都司馬穎 河間司馬顯 東海司馬越

遂致胡羯陵侮中原淪沒之禍漢燕等諸僭國并起唯晉王浚

守幽州劉琨守并州漢將劉曜石勒等陷洛陽長安執懷帝愍

帝

漢 匈奴單于於扶羅子劉豹為左部帥居太原子淵嗣匈

奴推為大單于都西河郡離石稱漢王進取河東稱帝遷

都平陽定冀州子和立劉聰殺之代立子粲立靳準殺之

準死子明降劉曜

西晉新置郡國凡五十

章武

分河間勃海魏

榮陽

分河南

上洛

分京兆

汲

舊朝

襄城

分穎川成帝廢

汝陰

分汝南魏置

濮陽

分東郡

始平

分京兆扶風

谷

分上

新都

分廣漢

天水

舊漢

臨淮

分下邳在

陵

各在建平并之

順陽

舊南鄉尋廢

南平

舊吳

宣城

分丹陽

南廣

分朱提

新蔡

分汝陰

陳

武帝置陝郡於

南頓

分汝

晉昌

分敦煌酒泉

狄道

分隴西

寧浦

舊吳合

宕渠

分巴

郡後

高密

分城陽

東安

分琅邪魏置

淮陵

分臨

安帝

改秦郡

義興

分吳興

隨

分義

新野

分南

支那疆域沿革略說

西東晉疆域沿革

三

分廬

江武昌大康初廢

成都

分南郡

歷陽

分淮

平夷

分牂牁

彭澤

永興初復置之

夜郎

同西平

河陽

分永昌

元帝

司馬

在江東即帝位都建康

即建業

有揚荆江湘交廣六

州尋有王敦蘇峻之亂皆平之

時割據者有趙後趙燕成涼代六國

趙

劉曜屬漢屢有戰功劉粲見殺曜稱帝號趙都長安有

雍秦隴右降氏羌及涼後為石勒所殺子熙等據上邽石

虎滅之

後趙

石勒羯人也屬漢劉粲死稱趙王都襄國遂稱帝以

洛陽為南都石虎嗣徙都鄴定遼西虎卒子遵殺弟世石

鑒殺遵冉閔又殺鑒稱帝號魏燕遂滅之

燕 鮮卑慕容部魏末入居遼西涉歸遷遼東子廆徙居昌黎郡徒河又遷大棘城稱大單于子皝立弟仁叛據遼東皝破烏桓鮮卑殺仁稱燕王遷都龍城舊柳城號改號新宮曰和龍又破高句麗併宇文部子雋取幽州遷薊滅魏徙都鄴子暉取許昌洛陽及符堅來攻遂降時有郡百五十七戶二百四十六萬口九百九十九萬

成 李特據廣漢稱益州牧攻羅尚敗死子雄取成都據之稱帝號成有益梁寧三州子期立李壽廢期改號漢晉伐取寧州子勢立桓溫滅之

涼 張軌爲涼州刺史居姑臧據河西晉封西平公子寔時關隴亂涼州獨安寔弟茂子駿皆稱藩於趙民富兵強伐

支那疆域沿革略說

西東晉疆域沿革

三

龜茲鄯善焉耆降之西域朝貢子重華破後趙稱涼王庶兄祚篡立被殺立靚又稱藩於秦天錫立遂降秦

代 鮮卑拓跋力微子悉鹿立諸部離散至祿官分國爲三部祿官居上谷猗屯居代郡猗廬居定襄猗屯西略漠北降二十餘國猗廬立並三部爲一劉琨致句注陞北之地方數百里城盛樂爲北都修平城爲南都晉封代王鬱律時西兼烏孫故地東吞勿吉即靺鞨以西賀傳遷都東木根山及什翼犍東自滅貊西及破洛那莫不歎附徙都盛樂伐高車大破之匈奴劉衛辰叛乃還雲中爲庶子寔君所

弑國中大亂

石勒最彊盛殺王浚段匹磾

據遼西

執劉曜盡有冀并幽司豫兗

青徐雍秦十州慕容廆取遼東破夫餘高句麗穆帝之時晉桓
温取蜀下青徐兗豫等州復洛陽石虎卒趙亂慕容雋遂滅之
并其地而秦起於關中

秦 略陽氏苻洪屬劉曜石虎趙亂自稱三秦王子健嗣據
長安定關中苻堅立

至苻堅益雄大桓温伐燕敗於枋頭

在今大名府
濬縣西南

苻堅遂滅燕

及涼擊代走什翼犍氏羌降附者八萬三千餘落東夷西域入
貢者六十二國大江以北率屬於秦孝武帝太元八年堅侵晉
謝玄大破之於淝水在今鳳陽府
壽州東北復兗青益等州堅敗歸秦大
亂後燕後秦西燕後涼西秦等起堅爲姚萇所殺子丕據晉陽
爲後燕所滅族子苻登據隴右稱帝與後秦戰敗死

支那疆域沿革略說

西東晉疆域沿革

三

後燕 慕容皝子垂奔秦及苻堅敗起兵都中山稱帝定冀
并幽平青兗徐諸州滅匈奴劉顯伐魏拔平城子寶立魏
來伐敗奔龍城保平州子盛伐高句麗開境七百餘里高
雲弒熙自立尋被殺

後秦 南安羌姚弋仲仕劉曜石虎趙亂子襄據許昌與秦
戰敗死弟萇降秦苻堅敗萇據安定稱秦王取長安都之
子興陷洛陽淮漢以北多降河湟諸國皆服事之至子泓
晉劉裕滅之

西燕 苻堅敗慕容暉弟泓起兵華陰弟冲取長安冲被殺
慕容永去據上黨稱帝慕容垂滅之

後涼 呂婆樓爲苻堅功臣子光伐西域降焉耆破龜茲撫

寧諸國威恩甚著遠方諸國前世所不能服者皆來附還據姑臧稱涼王光卒國亂至隆降於西秦

西秦 鮮卑乞伏部秦始初遷夏至司繁降於苻堅堅敗司繁子國仁據隴西稱苑川王子乾歸徙金城稱秦王徙都苑川子熾盤遷枹罕滅南涼降旁近諸羌至暮末夏滅之先是代中袁拓跋珪起於賀蘭部更稱魏王破庫莫奚高車柔然等滅匈奴劉衛辰慕容垂卒伐燕并其地都平城稱帝

魏 什翼犍被弑孫珪幼秦分諸部爲二河東屬劉庫仁河西屬劉衛辰珪奔賀蘭部遂起兵都盛樂更號魏定後燕徙都平城正封畿標道里置八部帥以擬八座珪被弑子嗣立

支那疆域沿革略說

西東晉疆域沿革

三

南燕北燕南涼北涼西涼夏又起

南燕 慕容德垂弟也魏伐燕德守鄴南徙滑臺後定青兗二州都廣固稱帝兄子超嗣劉裕滅之

北燕 馮跋仕慕容寶高雲被殺跋自立都龍城至子弘魏滅之

南涼 鮮卑遷河西稱禿髮氏樹機能秦始中取涼州晉殺之至思復犍部眾稍盛子烏孤據廣武定嶺南五郡稱武威王遷樂都弟利鹿孤遷西平稱河西王弟儁檀稱涼王秦徙之鎮姑臧西秦滅之

北涼 匈奴沮渠王之後沮渠蒙遜起兵據金山推段業爲建康公徙治張掖遂殺業稱張掖王取姑臧據之稱河西

王滅西涼并其地西域諸國來貢至子牧犍魏滅之

西涼 李暠叛北涼據敦煌稱涼公擊玉門以西皆下之徙

酒泉至子歆北涼滅之

夏 劉衛辰子赫連勃勃據朔方稱夏天王築統萬城居之

下嶺北諸夷後秦亡進據安定遂取長安稱帝至定滅西

秦為吐谷渾所擒亡

安帝之時桓立篡位劉裕誅立尋滅南燕後秦

西秦之亂中原淪陷元帝以後僑置諸州郡

徐淮南 兗京口後或徙江北或徙江南後常治廣陵 豫江淮間 青治廣陵 幽

冀 并皆置於揚州之域後幽冀入徐青并入兗 雍荆州南陽郡治鄴尋廢孝武置於襄陽

劉裕取南燕地有北徐舊徐州淮北地 北青鎮東 北兗舊兗州 等州

支那疆域沿革略說

西東晉疆域沿革

三

又有弘農河東數郡以處西北流人無實土哀帝興寧二年桓温以西北士民僑寓東南者無定本以土著為斷令一其業謂之士斷劉裕又申其令諸流寓郡縣并省者多

東晉新置郡凡二十七

汝陽分汝南 鍾離分淮南 馬頭同上 盱眙分臨淮 海陵分廣陵 山陽同上 晉

熙分廬江 武寧分南郡 長寧同上 義成分襄陽 營陽分零陵 華山分弘

農京兆 梁水分興古 興寧分雲南 西河同上 晉壽分梓潼 金山分巴西 梓潼

扶風 建都分建寧 晉興分鬱林 永嘉分臨海 東官分南海 新會同上 晉康分蒼梧

新寧同上 永平同上 遂寧分廣漢 義安分東官

其他紛紛改易及僑立州郡不可悉記

僭偽諸國亦各置州郡其係新稱者

朔州

劉曜治高平赫連勃勃治三城

洛州

苻健鎮宜城苻堅治陝城後徙豐陽

河州

苻堅治武始張駿分

興晉等八郡治枹罕

晉州

苻堅置於晉興郡

中州

慕容雋改趙司州

定州

河間王顥改秦州為定州

尋廢張茂分武興等四郡復置

沙州

張駿分敦煌等三郡

之類是也張涼開西境新置郡最多

郡最多

吐谷渾

吐谷渾慕容廆庶兄也永嘉之亂度隴而西據洮

水之西極于白蘭地方數千里孫葉延以祖名為國號至

烏紇堤為乞伏乾歸所破保南涼姪樹洛干奔莫何川稱

王沙漲雜種莫不歸附弟阿柴嗣

仇池

西夷別種號白馬氏漢滅之置武都郡建安中楊騰

為部落大帥徙居仇池仇池方百頃四面斗絕高七里餘

蟠道卅六回上有豐水煮土成鹽至楊初自立稱仇池公

支那疆域沿革略說

西東晉疆域沿革

三六

世襲之屬石虎又稱藩於晉至楊纂苻堅破之徙其民於

關中堅死楊定奔隴右治歷城遂有秦州稱隴西王乞伏

乾歸擊殺之楊盛嗣分諸氏羌為二十部護軍據漢中

高句麗

高釗時慕容皝來伐自南道進入丸都獲釗母妻

還釗稱臣于燕朝貢

第八圖 南北朝疆域沿革

晉末僭國俱敗魏都遠在平城劉裕直取關洛

關中尋沒於夏

受晉禪

國號宋都建康

臺城在今上元縣東北五里晉成帝作新宮宋齊梁陳皆仍之

州郡概仍晉舊

永初中除北字寓立於南者加南字

晉時州郡本無加南字者晉書誤據宋志追書加南

字 三年淮西為豫州淮東為南豫州

漢豫州本治譙晉元帝時祖約退治壽春成帝僑立

後或治蕪湖邾城武昌牛渚歷陽馬頭姑孰等至是豫治汝南南豫治歷陽此為南北必爭之地得失無常分合不定漢揚州

治變為豫州治又南之豫州治或變為北之揚州治又分荊州置湘州

魏明元帝侵宋入青州明年陷洛陽取司兗豫諸郡司州盡入魏兗州自

湖陸豫州自項築長城自赤城西至五原二千餘里太武帝度

漠伐柔然所搜討東西五千里南北三千里柔然遠遁置武川

撫冥懷朔懷荒柔立禦夷六鎮自平城北塞東至濡源水千里

伐夏取統萬城禽赫連昌昌弟定滅西秦乞伏暮末既為吐谷渾所

虜夏亡魏又滅北燕馮弘北涼沮渠牧犍其地皆入于魏西域久不朝

降鄯善比其地於郡縣敗焉耆龜茲西域復通又大敗吐谷渾

可汗遁入于闐宋文帝伐魏大敗魏主臨江而還

文帝置冀州分青州雍晉孝武僑立二州孝武帝置東揚分揚州又

王畿東揚為揚州分荆湘二州尋復大明八年廢

支那疆域沿革略說南北朝疆域沿革

宋大明八年魏文成帝和平五年有二十州郡二百五十四縣揚治建康

京領郡十南徐東晉淮北為北徐淮南為徐州宋武加徐

南南徐治京口丹徒郡十七京都水二百四十陸徐初治彭城秦始

失淮北僑立治鍾離舊領郡十二後領郡三京都水千三百六十陸

南兗東晉時寄治京口宋文分江淮間治廣陵後移盱眙又

省之其後復立治廣陵郡十一京都水二百五十陸兗宋武平

河南治滑臺文帝移鄒山又寄治彭城遂省之後復立治瑕

丘郡六秦始失淮北寄治淮陰里數南豫文帝省尋分揚

州置治姑熟淮東自永初至大明為南豫明帝屢分合初治

歷陽後治宜城自失淮西後於淮東分立兩豫仍治歷陽郡

十九京都水百六十豫秦始退治壽陽即壽春晉簡文改郡十七京都水千七百陸

百○終宋世二豫并立然
南豫是實土北豫是虛名
江治尋陽郡十京都水千四百青初

治東陽孝武徙歷城大明八年還東陽郡九京都陸二千○

鬱州鬱州在海中周數百
里虛置郡縣荒民無幾
冀治歷城郡九皆僑立河濟間

鬱州但名存耳
荆治江陵郡十二京都水三千郢治

江夏郡六京都水二千湘文帝廢置不治臨湘郡十京都水三千

雍文帝時僑郡猶寄寓孝治襄陽郡十七京都水四千四

梁初治南城漢中苞縣文帝徙南鄭郡二十里數秦寄治南

鄭郡十四里數益治城都郡二十九京都水九千寧治

建寧郡十五京都一萬三千三百廣治番禺郡十八京都水五千二百交

治龍編郡七京都水一萬

戶七十一萬五千七百四十二口五百十九萬八千九百九十

支那疆域沿革略說
南北朝疆域沿革

八郡縣中有後置者人口亦缺蓋交二
州今姑據宋書郡縣志舉其大略

明帝泰始二年置司州宋初司州治虎牢領三郡景平初淪沒

置治義陽郡四縣二戶一萬八千六百七十四一郡只六萬六

千六百八十一二郡關京都水二千七百陸千七百○四七年

置越州分交治臨漳舊領郡三新立郡六戶口不詳共為二十二州

時伐魏大敗淮北四州青冀及淮西豫州皆入于魏

齊高帝仍宋舊建元二年置巴州宋泰始五年分荆益四郡置

為巴州武郡三百九十縣千四百八十五○郡縣

帝初省之建置雖多名存實亡境土蹙於宋大

明之時

魏孝文帝太和十年齊武帝永改置州郡共為三十九州

司道武置太和中改治平城東魏寄治肆州相道武置東

恒州孝昌中陷

州司治鄴 汾明元置 治蒲子孝昌中陷徙西河 懷獻文置 治河

內 并治晉陽 東雍太武置 治邵 肆明元置 治九原 定武定

置安州 治中山 瀛孝文分定冀 治趙都軍城 朔治盛樂後陷

承熙中改雲州寄治并州 冀治信都 幽治薊 平治肥

如 營太平真君五年置 治和龍以上十四州在河北 雍治長安 涼治隴

秦治上邽 夏太武為統萬鎮孝文改 治大夏 涇治臨涇 華孝文

分秦 治華陰 岐同上 治雍 河太武為鎮後改 治枹罕 班獻文置華州孝

文改尋 治彭陽 渠太武置仇池鎮孝文改宣武又改南秦州 治洛谷 沙治敦

煌 陝孝文置 治陝 洛明元置孝文遷都改司州 治洛陽 荆太武時治

上洛孝文徙穰 郢孝文置 治安陽 北豫治虎牢 東荆東魏

改淮 治淮陰 南豫治懸瓠 兗治瑕丘 南徐治彭城

支那疆域沿革略說

南北朝疆域沿革

三

東徐獻文置未改南青 和 治莒 青治東陽 齊宋冀州獻文取之改 治歷城

濟明元置 治濟北碭礮 光獻文分青 治掖以上二十五州在河南

尋遷都洛陽觀兵齊境宣武帝立陷淮南又取梁州十四郡東西七百里

南北千里 梁武帝略魏荊州置宛州不詳蓋宛地也 天監十年有二十三州仍齊舊但

巴州既省蓋以宛州足之 郡三百五十縣千二十二

魏孝明帝立胡太后擅政六鎮邠涼等亂杜洛周叛上谷葛榮

叛恒州號齊定相殷孝昌三年分定相置 冀等皆陷梁乘其亂復淮北諸

州郢北青南荆南兗膠東徐東益巴等 沈慶之入洛陽

是後梁州名浸多大同中有百七州郡縣稱此以小大不倫分

為五品其下品徒有州名而無土地或因荒徼置州職貢罕通

廢置離合不可勝紀州郡雖多戶口日耗魏亦然魏書地形志錄武定之世所列百十三州其有郡縣名無戶口數者太抵他國地而虛言之西魏元平三年宇文泰改州四十六置一改郡百六改縣二百三十齊亦天保七年併省三州百五十三郡

魏高歡據冀州平亂孝武帝立尋奔長安依宇文泰魏分爲西孝東孝靜武東秦破歡於沙苑取河南歡又破秦於邙山復之

侯景叛魏取梁淮北尋降於梁復叛陷建康稱漢帝於是東魏取淮南西魏取漢東梁益梁元帝誅景都江陵州郡大半入兩

至建康以江爲限荆州界北盡武寧西距硤魏自巴陵以下口嶺南復爲蕭勃所據詔令所行千里而近西魏陷之立蕭詧後爲梁主鎮江陵梁雍州皆屬西魏梁別立敬帝

高洋篡東魏國號齊破庫莫奚柔然修長城齊築長城凡三次天保三年自黃櫨嶺北至社平戌四百餘里蓋起唐石州北抵武州六年自幽州夏口卽居庸下口西至恒州九百餘里七年自西河東至海前

支那疆域沿革略說

南北朝疆域沿革

四

後所築東西凡三千餘里柔然終衰而突厥方疆宇文覺亦篡西魏國號周

平宕昌越雋河南自洛陽河北自平陽以東屬齊以西屬周周遂滅齊得州五十郡百六十二縣三百八十八戶三百三十萬二千五百二十

八口二千萬六千六百八十六靜帝大象二年有二百一十一州郡五百八縣千二百二十四明年傳位於隋

陳武帝承梁末威力所加不出荆揚雖平蕭勃惟有四十二州郡百九縣四百三十八戶六十萬耳及亡州四十郡百縣四百文帝歸魯山今漢口地於周

江北盡入於周宣帝代齊暫有淮南尋失之至後主隋滅後梁蕭琮伐陳降之

大抵疆土南朝伸於宋緝於齊羸於梁縮於陳北朝太和爲極盛至孝昌而衰東西分立與梁三分天下周終有其八分

并於隋其間地理參差其詳難舉實由名號驟易境土屢分
展轉改更迷其本末故今此圖以宋大明魏太和爲據其前
後改置唯記緊要者

高句麗 魏太武時王談德子高璉入貢後雖交通南北貢
獻不絕外結柔然相共唇齒其勢方彊

百濟 出自夫餘其地北去高麗千餘里處小海之南古馬
韓也漢初朝鮮王箕準爲衛滿所逐來居稱王後亡前魏
時馬韓攻樂浪帶方二郡滅之晉亂南夫餘來據此地建
國號百濟都漢城今京自晉末常入貢南北與高麗戰斬

其王釗兵交不解魏孝文時王餘慶請發兵伐高麗不許
尋失漢城徙熊川今忠清王明禮時又失之徙泗泚今忠

支那疆域沿革略說

南北朝疆域沿革

四

扶改號南夫餘尋復

新羅 本辰韓種也傳言秦世亡人避役來馬韓割其東界
居之故亦曰秦韓地在高麗東南東濱大海晉末建國曰
新羅梁普通二年隨百濟貢方物

仇池 宋以楊盛爲武都王後屬南北反覆無常盛次于難
當自立稱大秦王宋擊取仇池難當奔上邽屬魏至曾孫
文熙亡姪文德自漢中入有武興陰平爲宋所殺其族集
始魏孝文以爲武興王後叛魏滅之以其地爲武興鎮

吐谷渾 阿柴併氏羌地方數千里號爲疆國部內有黃沙
周數百里因號沙州兄子慕瓚嗣眾至五六百落南通蜀
漢北交涼州魏太武時虜赫連定送之魏封西秦王與隴

西之地又通宋弟慕利延立魏伐之走白蘭遂入于闐殺其王南征罽賓後還舊土拾寅立始色伏羅川復降魏歲貢及秦賊莫折念生反伏連籌亦叛子夸呂始稱可汗居伏俟城在西海西十五里其地兼鄯善且末東西三千里南北千餘里復朝貢於東魏

柔然 東胡苗裔也拓跋力微之末有木骨閭收合逋逃子車鹿會始有部眾號柔然後魏太武改號蠕蠕車鹿會之後數世分爲二部道武時擊社崙破之社崙遁入高車遂併諸部北徙弱洛水自號可汗號爲疆盛其地西焉耆東朝鮮北渡沙漠南臨大磧魏屢伐之或和或叛常爲邊患阿那瓌時國亂遂服至魏末頗驕復叛後累爲突厥所破奔西魏遂亡

支那疆域沿革略說

隋代疆域沿革

第九圖 隋代疆域沿革

隋文帝造新都於龍首山在長安長六十里首入渭水尾達樊川名大興城遷都之悉罷諸郡爲州

揚尙希見天下州郡過多上表曰今郡縣倍多於古或地無百里數縣並置或戶不滿千二郡分領民少官多十羊九牧今存要去閑并小爲大云云文帝從之

時突厥分爲東沙鉢西阿波隋援東部以破西部後其國大亂又援啟民東部以破達頭西部遂滅梁陳并天下南平寧羗高麗寇遼

西命漢王諒伐之遇饑疫歸高麗尋降

煬帝好遠略以洛陽爲東京後改東都營新宮東去故都十八里疏通濟渠自東京西苑引穀洛水達于河鑿運河自板渚在虎牢東引河歷滎

澤在榮入汴又自大梁之東引汴水入泗達于淮又開邗溝自

山陽至揚子入于江渠廣四十步旁皆築御道樹以柳自長安

至江都置離宮四十餘所遂幸江都又通永濟渠引沁水出上

達于河通涿郡即御河也開江南河自京口至餘杭八百餘里

廣十餘丈後曰浙西運河

文帝之末析置州縣滋多文帝之初民戶不滿四百萬末年踰八百九十萬煬帝并省

之大業三年悉改州為郡具見隋書地理志置司隸刺史分部巡察

唐虞九州十二州歷秦漢魏晉南北朝其名尚存至隋始革

去州名蓋後魏每州所管郡有少至二三郡者并不領郡

之州其州名新製者共有五六十隋承魏其分析亦多事勢

古今不同萬不能更為沿襲故革之也

支那疆域沿革略說

隋代疆域沿革

裴矩奏西域圖記三卷合四十四國別造地圖窮其要害從西傾在隴西

以去縱橫所亘將二萬里發自敦煌至西海在條支西地中海也凡為三

道北道從伊吾中道從高昌南道從鄯善總湊敦煌因擊吐谷

渾破之盡有其故地東西四千里南北二千里伊吾又獻地數千里並置郡

縣五年凡有百九十郡縣千二百五十五戶八百九十萬七千五百四

十口四千六百一萬九千九百五十墾田五千五百八十五萬

四千四十一頃東西九千三百里南北一萬四千八百十五里

隋之盛極于此

帝北巡鑿太行山達于并州以通馳道過鴈門榆林出塞至涿

郡開御道長三千里幸突厥之庭復築長城大業三年西距榆林東至紫河在定

襄四年自又西巡出臨津關在枹罕界經浩豐川在西平郡至燕支山在武

威高昌王及西域二十七國謁于道左

劉方等伐林邑破之常駿等使赤土扶南別種在南海中水行百餘日而達朱寬

至流求蓋今臺灣歟遂擊斬其王裴矩又勸伐高麗八年發左右各

十二軍帝親度遼圍遼東城漢襄平城久不下別遣水軍泛海入涇

水大同攻平壤敗還宇文述等諸軍度鴨綠水逼平壤士卒飢

弊為高麗所敗初兵三十萬五千還至遼東者二千七百人帝

大怒引還是役唯拔遼水之西武厲邏高麗置邏於水西者置遼東郡而

已明年復伐之聞楊玄感反棄軍資器械而還明年復伐之高

麗困弊乞降乃還

巡幸征討轉輸鉅億萬計民夫凍餒疲頓死者相枕加以饑饉

於是所在盜起其尤雄桀者

支那疆域沿革略說

隋代疆域沿革

楊玄感反黎陽攻洛陽敗死 杜伏威據歷陽有淮南後降

于唐 林士弘據豫章號楚自九江南及番禺有之 竇建

德據樂壽後都洛州號夏有河北諸郡 徐圓朗據東平自

琅邪西北至東平有之 梁師都據朔方號梁 劉武周據

汾陽宮號定楊 李密據洛口號魏趙魏以南江淮以北歸

之 薛舉據天水號秦有隴西子仁果嗣 李軌據武威號

涼有河西五郡 蕭銑據江陵號梁東自九江西抵三峽南

盡交阯北距漢川皆有之 沈法興據毗陵號梁有江表十

餘郡 李子通據海陵後取江都號吳

李淵起兵太原定長安立代王侑尋受禪是為唐高祖煬帝在

江都宇文化及弒之越王侗即位洛陽王世充擁侗破李密密

降于唐世充遂篡立號鄭有李密故地化及北上保聊城魏州號許竇建德擊斬之

唐秦王世民西滅薛仁果北平李軌劉武周時世充建德最彊世民伐世充建德援之世民擒建德降世充定諸賊建德將劉黑闥又起據洛州號漢東略建德故地太子建成等擊滅之趙郡王孝恭李靖等滅蕭銑定江南天下歸一

高麗 璉六世孫陽成開皇初入貢平陳後懼修守備子元時高祖討之煬帝怒其闕藩禮三討之敗績元遂降徵入朝會大亂遂不復行

百濟 明禮子昌高祖伐高麗請爲軍導事平高麗知之侵掠其境至曾孫璋又入貢煬帝伐高麗來請軍期嚴兵於

支那疆域沿革略說

隋代疆域沿革

聖

境然內與高麗通持兩端尋有隙每相戰爭

新羅 王金伯淨開皇十四年始入貢時百濟人多歸之者遂致強盛大業以來歲通朝貢

林邑 古越裳界也在日南南四百餘里北接九德郡縱廣可六百里馬援開置象林縣建銅柱漢末區連稱王范熊及其子逸代立無嗣日南人范文自立後數世屢犯日南宋文帝征服之歷齊梁貢獻煬帝聞其多奇寶伐之王梵志敗入海後復其地

吐谷渾 夸呂開皇中屢入寇擊破之子世伏立稱藩尋國亂弟伏允立煬帝諷鐵勒擊之隋亦掩擊之伏允南遁雪山其地入隋伏允客党項大業末復其故地屢寇河西

突厥 平涼雜胡也後魏滅沮渠氏阿史那奔柔然居金山
號突厥至大葉護漸強盛後有伊利可汗始通西魏大破
鐵勒柔然子木扞勇而多智遂滅柔然而破挹怛大月氏種類
東走契丹北併契骨古堅昆威服塞外諸國其地東自遼海
西至西海長萬里南自沙漠以北五六千里皆屬之姪沙
鉢略立治都斤山木扞子阿波別領所部浸強東距都斤
西越金山龜茲鐵勒伊吾及西域悉附之號西突厥共有
隙沙鉢略來漠南居白道川請援于隋弟莫何立擊阿波
擒之姪都藍立沙鉢略子突利居北方尙隋公主南徙度
斤錫賚優渥都藍怒叛隋攻突利突利奔歸隋以爲啓民
可汗遷在夏勝二州間都藍死達頭立國大亂隋伐之奔
吐谷渾啓民遂有其眾朝貢甚謹子始畢立復叛圍煬帝
于雁門隋亂遂大強盛諸僭國皆稱臣請援 西突厥阿
波被執國人立泥利死子處羅立居烏孫故地大業初其
國多叛煬帝遣使諭之處羅朝貢隋又立酋長射匱爲可
汗擊之處羅敗奔高昌遂入朝從征高麗江都之亂奔歸
京師爲北蕃所殺

第十圖 唐代疆域沿革

唐高祖武德元年罷郡置州

玄宗天寶元年爲郡肅宗至德二歲復爲州

唐之州與三代及漢之州大異漢之刺史統唐數郡或數十
州之地唐乃以郡守爲刺史其沿革不同新唐書地理志凡
稱某州某郡者謂本是某州天寶間曾改爲某郡耳非州郡

之名同時並立也

太宗貞觀元年大加并省分爲十道

關內二十二州後玄宗開元二十一年採訪使以京官領 河南二十

八州後治汴州 河東十七州後治蒲州 河北二十六州

後治魏州 山南三十五州後十八州屬東道治襄州十七

州屬西道治梁州 隴右十七州後治鄯州 淮南十二州

後治揚州 江南三十七州後十三州屬東道治蘇州十八

州屬西道治洪州六州屬黔中治黔州 劍南二十五州後

治益州 廣南四十八州後治廣州

突厥亂擊禽頡利盡復故地分置十州定襄雲中二州都督府

又破吐谷渾降南蠻党項伊吾高昌等置安西都護府治西州

支那疆域沿革略說

唐代疆域沿革

三

高宗時徙龜茲咸亨元年陷武后復徙龜茲肅宗改鎮西尋復吐蕃取河隴路絕德宗時陷

州府凡三百五十八縣千五百一十一東極海西至焉耆南盡林邑北抵

大漠東西九千五百一十一里南北一萬六千九百十八里

薛延陀方疆地東至靺鞨西至西突厥南接沙磧北至俱倫河

今克魯倫河唐擊破之回紇遂據其地朝貢置燕然都護府在西受

南四十里高宗龍朔三年徙回紇今西庫倫改瀚海統漠北總

章二年改安北武后時鐵勒諸部反僑置甘州同城玄宗開元

二年徙中受降城十年徙豐勝二州境十二年徙天德軍中天竺脅唐使王玄策玄策徵吐蕃等兵俘其王僧玄奘取路

西域至天竺時四夷貢獻者常數百千人

高宗破突厥置單于在陰山之陽黃河瀚海在雲中龍朔三年徙金河改雲中統

漢南麟德元年改單于一二都護府破西突厥置濛地居碎葉崑陵居川二

都護府後廢以石國今塔什干等為州縣府共百二十七置八都督府州七十二

縣百十軍府於吐火羅漢大夏地等十六國西至波斯並隸安西都

護府

滅百濟置熊津五都督府置雞林大都督府於新羅初太宗伐

高麗取遼東以遼東為遼州都督府蓋牟為蓋州白巖為巖州

尋廢高宗滅高麗置安東都護府治平壤統九都督府四十二州

儀鳳元年徙遼東故城明年徙新城武后時為都督府中宗時復都護府玄宗開元二年徙平州天寶二年徙遼西故城肅宗時廢又置安南都護府治交阯肅宗改鎮南尋廢

吐蕃漸疆盛取生羌十二州西域十八州陷龜茲乃罷安西四

鎮龜茲于闐焉耆吐谷渾內附其地入于吐蕃

武后之時契丹李盡忠反陷營州及其近邑玄宗時復突厥侵趙定

支那疆域沿革略說

唐代疆域沿革

等州郭元振拓涼州境千五百里置北庭都護府治庭州後路絕德

宗時初朔方與突厥以河為界中宗景龍二年張仁愿築三受

降城於河北相距各四百里中城秦九原地東城漢雲中城西

於天德拓地三百餘里睿宗與河西九曲地蓋漢大於吐蕃玄

復時玄宗屢破吐蕃救拔那汗即甯遠元魏破洛那小勃律在大勃律西出龜茲西

數千里大食等數國皆降建碑於赤嶺石堡城西定吐蕃界又

以黑水靺鞨為黑水州封南詔為雲南王

睿宗置十道按察使分山南於東西隴右分河西道開元二十一年更為十五

採訪使分江南於東西及黔中關內分京畿肅宗時改觀察使二十八年州府三百

二十八羈縻州八百縣千五百七十三天寶十三載郡戶八百

三百二十一縣千五百二十八

四十一萬二千八百七十一口四千八百十四萬三千六百九
天寶十三載戶九百六十一萬九千二百五十四口五千二百八十八萬四百八十八唐於此為極盛自
安西門西盡唐境萬二千里

先是高宗始置幽州節度大使天寶元年定十道節度使備邊

安西治龜茲 北庭治庭州 河西治涼州 朔方治靈州

河東治太原 范陽治幽州 平盧治營州 後徙青州 隴右

治鄆州 劍南治益州 巔南治廣州

至德以後要衝大州皆有節度之額至有四十七使其有
軍名者稱以軍名無者但稱其地迨中葉以降增置益多
其巡屬皆臨時分統非有一定規模及叛亂相踵互相侵
奪不復守朝制

支那疆域沿革略說

唐代疆域沿革

完

安山思明之反諸州大亂胡虜乘釁吐蕃陷河西隴右及劍南

西山諸州南詔取越嶲大食波斯踰海寇廣州 大食德宗時并波斯其地東盡

葱嶺西南際海方萬餘里回紇雄彊援唐復兩京遂屢入寇

代宗滅史朝義分降將田承嗣等為節度使河北藩鎮自是驕
橫諸鎮倣尤相黨援遂子弟授受或由軍士廢立不可復制憲

宗之初供貢賦者八道四十九州而已邊塞八道河南北七道

不納賦稅比天寶四分減三乃銳意革弊首滅四川 劉浙江 李

平淮西 吳元淄青 李師等藩鎮跋扈殆六十年至是稍定穆宗

之初再失河朔迄唐亡不能復取

吐蕃回紇二國亂黠戛斯 古堅昆唐初結骨 逐回紇徙合羅川居回紇

故國并安西北庭鞬靽等五部落至宣宗纔復河湟二國衰滅

唐亦隨衰

突厥 始畢卒弟頡利立太宗擒之置降俘於朔方以始畢子突利統之突利卒命思摩悉還河北思摩不能御車鼻盜有其地車鼻始歸薛延陀後去竄金山之北自稱可汗西葛羅祿北結骨皆屬之後泥熟匍伏念等反唐皆虜之高宗末骨咄祿又反治黑沙城弟默啜嗣復疆盛地方萬里屢爲邊患默棘連立玄宗時請和後國大亂回紇滅之西突厥射匱卒弟統葉護立併鐵勒下波斯屬賓徙庭石國北之千泉遂霸西域俟毗殺之代立統葉護子肆葉護分王其國並貢於唐既肆葉護殺俟毘後諸部叛奔康居死至啞利失分其國爲十部左五部居碎葉東右五部居碎葉西太宗時國亂奔拔那汗死沙羅鉢立居合雖水北曰南庭東薄伊列河龜茲鄯善且末吐火羅焉耆石史康等屬之西部立乙毗居鏃曷山西曰北庭駁馬結骨諸國附之乙毗殺沙鉢羅併其眾破康居國又亂乙毗奔吐火羅乙毗射匱立高宗時賀魯反取乙毗故地居千泉唐討之奔石國被執武后以懷道爲可汗至于斯爲突騎施所滅

回紇 元魏鐵勒袁紇部隋曰韋紇附突厥大業中叛稱回紇居薛延陀北婆陵水上距京師七千里酋菩薩破突厥居獨樂水上貞觀三年始貢突厥亡回紇最雄吐迷度滅薛延陀併其地南踰賀蘭山境河至裴羅居突厥故地徙

烏德犍山斥地愈廣東極室韋西抵金山南控大漠盡得古匈奴地磨延啜立援唐平亂至登里代宗時寇太原其相頓莫賀殺之自立與唐和改回鶻後數世文宗時相掘羅勿殺胡特勒立廬駮黠戛斯來攻諸部逃散牙部立烏介南保錯子山王子嗚沒斯來奔烏介屢犯雲朔唐討之烏介走黑車子被殺弟遏捻立奔室韋黠戛斯滅之

吐谷渾 太宗時伏允朝貢尋寇鄯涼等州唐討之子順降伏允自殺諾曷鉢立高宗時與吐蕃相攻不能抗走涼州又徙靈州地皆入吐蕃

吐蕃 本西羌之屬居析支水西直京師西八千里贊普居跋布川又曰邏婆川至棄宗弄贊西域諸國附之貞觀八

支那疆域沿革略說

唐代疆域沿革

五

年始入貢後屢入寇至孫某論欽陵等當國高宗時歲入邊盡有諸羌及吐谷渾地唐討之屢敗至器弩悉弄併西洱河諸蠻羊同党項其地東與松嶽接南極天竺西取四鎮北抵突厥方萬餘里於諸胡尤盛悉弄殺欽陵弟贊婆來奔國勢少弱唐破之請和至婆悉籠獵贊肅代時陷河西隴右德宗時和盟約境唐盡涇隴鳳劍南吐蕃守蘭渭原會東成州北極賀蘭然侵寇不已憲宗時朝貢乞互市武宗時達磨無子立緄氏別將論恐熱起兵國亂懿宗時恐熱被殺遂衰

新羅 高祖時王金伯淨朝貢唐滅百濟高麗王法敏納高麗叛眾略百濟地高祖怒討之法敏謝罪然多取百濟地

遂抵高麗南境置九州後常入貢至會昌絕

渤海 本粟末靺鞨附高麗者武后時有乞乞仲象者東走

度遼水保太白山之東北阻奧婁河樹壁唐討之仲象子

大祚榮因高麗靺鞨兵拒之自號震國王保挹婁之東牟

山南新羅以泥河為境東窮海西營州契丹盡得扶餘沃

沮等諸國方五千里戶十餘萬中宗時入貢玄宗封渤海

郡王以所統為忽汗州自是號渤海子武藝立大斤土宇

東北諸夷臣之始聘日本至欽茂徙上京忽汗河之東 肅慎故地尋

徙東京穢貊故地子華興復徙上京至明秀穆敬時伐海北諸

國開大境宇至玄錫為海東盛國有五京十五府六十二

州

支那疆域沿革略說

唐代疆域沿革

三

南詔 本哀牢夷後烏蠻別種居永昌姚州之間鐵橋之南

東距爨東南屬交趾西摩伽陀西北接吐蕃南女王西南

驃北抵益州東北際黔巫武后時盛炎入朝至皮邏閣玄

宗封雲南王治大和城子閣羅鳳反取姚州及夷州三十

二附吐蕃異牟尋徙苴咩城與吐蕃寇蜀後苦吐蕃徵責

德宗貞元九年歸唐文宗時豐祐反陷邛戎等州犯成都

陷安南懿宗時酋龍稱帝國號大禮屢陷蜀及安南至子

法始和

第十一圖 五代疆域沿革

唐季政亂懿宗之時裘甫起浙東龐勛反徐州尋南詔酋龍稱

帝國號大禮屢侵蜀廣遂陷交趾至咸通七年復至僖宗王仙芝起滑

州黃巢應之陷淮南山東諸州時盜賊蜂起剽掠十餘州唐師誅仙芝巢并其眾遂陷長安而沙陀起

沙陀 西突厥別部處月種也居金婆山之陽蒲類之東後附回紇吐蕃憲宗之時朱邪執宜降唐處之鹽州子赤心平龐勛有功進大同節度使賜名李國昌

李克用國昌子也起兵雲中復長安還鎮并州據晉陽有十七州唐封晉王朱全忠初從黃巢見巢勢蹙降於唐鎮汴巢奔蔡州秦宗權與之合克用屢破之巢被殺宗權猶熾復陷洛陽全忠擊平之

至昭宗諸雄各割據一方

蜀 王建據成都并兩川漢中有四十九州

支那疆域沿革略說

五代疆域沿革

吳 楊行密據揚州并江淮以南西盡淮源東暨於海有二

十八州

閩 王潮據福州弟審知嗣有閩中五州

吳越 錢鏐據杭州有浙東西十一州

楚 馬殷據長沙并湖南桂管有二十二州

岐 李茂貞據鳳翔有秦隴二十州後九州入梁秦鳳階成四州入蜀

燕 劉仁恭據幽州有十八州

南漢 劉隱據廣州有嶺北三十三州

朱全忠并河南北及關中遂篡唐號梁都汴後遷洛陽至末帝復都汴有七

十八州但河北諸鎮成德義武昭義等忽服梁忽屬晉而其尤所爭在

澤潞邢洛磁五州終之澤潞入晉邢洛磁歸梁

晉李存勗莊宗滅燕劉守光取幽滄十八州又取魏博等十六州遂平河

北滅梁岐即帝位號唐都洛陽有百二十三州時管平二州唐末劉仁恭遺契

丹莊宗滅燕取之既滅尋滅蜀得五十三州河隴瓜沙涼之地

唐末為吐蕃党項所隔聲勢不接至是瓜涼入貢明宗之時涼

州等來附置保順軍於洮州領鄯州既而荆南後蜀起

荆南 梁時高季昌據荊州至唐并蜀歸峽二州

後蜀 孟知祥有前蜀故地但秦鳳四州闕

先是契丹建國

契丹 本東裔種類至元魏號契丹其居曰梟羅箇沒里沒

里者河也乃鮮卑故地潢水之南黃龍之北在遼西正北

東距高麗西奚南營州北靺鞨室韋唐武后之時李盡忠

反後屬突厥初有八部推一人為王咸通末至習爾土宇

始大欽德嗣乘中原多故時入寇邊梁初耶律阿保機立

尤雄勇居上京起東西南北四樓四時巡獵北侵室韋女

真西取突厥故地滅奚東際海自代北至河曲踰陰山盡

有其地

耶律阿保機太祖踰流沙取西鄙諸部東滅渤海渤海至玄錫子誣謨亡改

號東丹子德光太宗嗣

石敬瑭反唐求援契丹代唐號晉與幽薊十六州於契丹都汴下

漢周皆有百九州得蜀金州增置威州

南唐李昇代吳都金陵有吳故地增置秦州滅閩王延政得四州有二

十四州增置劍州吳越得閩福州有十三州增置秀州

支那疆域沿革略說

宋遼疆域沿革

晉帝與契丹絕德光起兵入汴滅晉國號遼劉知遠據太原會
遼北去有內變知遠盡復晉境號漢有百六州後蜀得秦鳳四
州有五十州

郭威滅漢號周有漢故地劉崇據太原號漢北有并汾等十州

南唐李景滅楚馬希取湖南楚置全州共為十州尋周行逢據其地南漢并

嶺南十三州有四十七州南漢後唐時增置英雄二州周世宗有雄略南收江

北十四州增置通州南唐唯有江南二十州但漳泉二州為留從効所據僅羈縻非實有其地也

西復秦鳳四州後蜀尚有四十六州北克三關瓦橋關益津關於口關在涿州共

有百十八州廢武景二州置濟濱雄羈四州

五代疆域梁只有中原四邊皆屬他人故最小唐滅燕梁并
岐蜀雖後蜀復起尚為最大晉漢承之燕薊入遼故又小周

支那疆域沿革略說

宋遼疆域沿革

五

則雖河東之地為北漢世宗恢廓河北又取江北故小於唐
而大於晉漢十國吳南唐前後蜀最大楚南漢吳越北漢次
之閩荆南最小

塞外之地契丹獨盛諸夷皆衰

吐渾 本吐谷渾晉時居嵐石間劉知遠逐之

党項 散處邠寧靈慶等之間置牙沙嶺

吐蕃 微弱回鶻党項諸羌分侵其地

回鶻 餘眾居瓜沙間置牙甘州

南詔 酋龍子法改號鶴拓子舜化嗣後唐平蜀招懷之不

納明宗時朝貢後失其世次

新羅 唐武宗以後國少康至僖宗時女主金曼淫穢政亂

甄萱反稱後百濟至王曉弓裔反號泰封都鐵圓今江原道鐵原
府王昇英時王建滅裔甄萱弒王魏膺立傳國遂孤弱後
唐清泰二年降高麗

高麗 王建新羅漢州人新羅亂投弓裔梁貞明四年將士
不附裔遂逐之推建為王號高麗都開州今京畿道開城府滅新
羅及後百濟悉有其地

第十二圖 宋遼疆域沿革

宋太祖受周禪都汴為東京開封府以洛陽為西京河南府真宗
大中祥符七年改宋州為南京應天初有百一十一州縣六百三
府仁宗慶曆三年以大各府為北京十八戶九
十六萬七千三百五十三○據五代史職方考周有百十八州
又輿地考云州府軍監百三十九縣六百六十一與宋史地理
志異今姑建隆四年取荆南高繼得州府三縣二十七戶十四
從宋史萬二千三百平

支那疆域沿革略說

宋遼疆域沿革

五

湖南周行得州十五監一縣六十六戶九萬七千三百八十八
遺漏今從宋史○職方考作十州不數獎榔錦溪淑

五州桂陽監疑有乾德三年定蜀得四十六州縣二百四十四戶十七萬
遺漏今從宋史○唐末嶺

四十三開寶四年滅南漢得六十州縣二百六十三
南有七十州其十二州沒安南南漢析置正敬常樂三州○唐末嶺

齊昌一府而職方考作四十七州蓋有遺漏今從宋史八年
滅南唐李煜得州十九軍三○南唐二十一州除漳泉二州末

年有二百九十七州縣千八百六十六戶三
百九萬五百四

太宗太平興國三年陳洪進代留獻漳泉二州縣十四戶十五
萬千九百七十

八吳越錢俶入朝得州十三軍一縣八十六戶五十
五萬六百八十

元劉繼得州十軍一縣四十戶三萬
五萬二千二百二十

宥四州縣八雍熙元年復授繼至是天下始一唯燕雲十六州
捧自後不復領職方屬契丹雍熙中

天下上閏年圖州
府軍監幾於四百

淳化四年分爲十道以京東爲左計西爲右計中分十道隸之
河南 河東 關西 劍南 淮南 江南東西 浙東西
廣南

至道三年爲十五路

京東 京西 河北 河東 陝西 淮南 江南 荆湖
南北 兩浙 福建 西川 峽路 廣南東西

仁宗天聖中析爲十八路江南分東西兩路皇祐五年置京

畿路至和二年廢至徽宗廢置不一宣和二年罷四輔郡惟以開封府爲京畿唐天寶以來藩鎮強

盛難制租稅皆自贍宋太祖革其弊置轉運使掌一路財權盡

歸於上

先是遼太宗會同元年後梁天福二年得燕雲十六州乃建三京後爲

支那疆域沿革略說

宋遼疆域沿革

五

五京統五道以皇都爲上京臨潢府升幽州爲南京幽都府聖宗時改析津府初太祖修遼陽故城爲南京東平

府至是改東京聖宗統和二十五年宋眞宗景德四年建中京

大定府於遼西興宗重熙十三年宋仁宗慶曆四年以雲州爲

西京大同府 五京備焉 上京道府一州城二十七 東京道府一州城八十七領州

二十二

中京道府二州六領州十五 南京道府一州一領州八

西京道府一州軍十領州六

契丹當元魏時有地數百里經唐蠶食扶餘室韋靺鞨之

區方二千餘里唐太宗置松漠都督府建八部爲十州迨

五代闢地東西三千里太祖時有八部四十一縣又西兼

突厥東并渤海得城邑百三自太宗至興宗以征伐俘戶

建州於要地多因舊居名之京五府六州軍城百五十六縣二百九部族五十二屬國六十東至海西至金山暨流沙北至臚胸河即克魯倫河南至白溝幅員萬里

宋太宗伐遼敗還後宋遼連年相攻遼聖宗侵宋真宗親次澶淵拒之遂講和而夏李元昊起常叛服於二國

夏 其先本拓跋氏唐初拓跋赤辭歸唐賜李姓世居夏州號平夏部至數世孫繼捧入朝於宋族弟繼遷不從遂據銀州屬遼稱夏王真宗時陷靈州以爲西平府都之又陷涼州宋割河西夏綏銀宥靜五州與之子德明築懷遠鎮爲興州取甘州至元昊仁宗之時取瓜沙肅三州并有十數州居興州阻河依賀蘭山爲固地方萬里置十二監軍

支那疆域沿革略說

宋遼疆域沿革

五

總五十餘萬遂稱帝號夏

宋自建隆訖英宗治平州郡沿革無大增損神宗熙寧以來始務闢土伐夏復綏銀敗吐蕃取熙河至元豐有二十三路

京東東治青州府一州七軍一縣三十七京東西初治東平府

後徙應天府府四州五軍一縣四十三○天聖分東西後并熙寧五年復分京西

南治襄陽府府一州七軍一縣三十一京西北治河南府府四

州五軍一縣六十三○舊分南北後并熙寧五年復分京東西哲宗元祐元年並爲一路後仍分爲兩路

河北東治大名府府三州十一軍五縣五十六河北西治真定

府府四州九軍六縣六十五○分東西後并熙寧六年復分河東治太原府府

三州十四軍八縣八十二永興治京兆府府二州十五軍一縣八

三後府四州十五軍五縣八十七秦鳳治秦州府一州十二軍

三縣四後府一州十九縣四十六○永興秦鳳二路本陝西路慶曆元年分沿邊為秦鳳涇原環

慶鄜延四路熙寧五年又分永興熙河為六路後復為二路淮南東治揚州州十軍二

縣三淮南西治壽春府一州七軍二路熙寧五年分為

兩浙治臨安府二州十二縣八十一○熙寧七年分東

年復江南東治江甯府一州七軍二十八縣四江南西治

洪州州六軍四縣四十九荆湖北治江陵府二州十軍二縣

六荆湖南治潭州州七軍一監一縣三福建治福州州

六軍二十七成都治成都府一州十二軍二監一縣五利州治興元府

潼川治潼川府二州九軍三監一縣關利州治興元府

府一州九縣三十八夔州治夔州州十軍三監一縣三十一○

支那疆域沿革略說
宋遼疆域沿革
堯

州二十五軍三縣六十五○徽宗大觀元年置黔南路三年

當時東南際海西盡巴夔北極三關東西六千四百八十五里

南北萬一千六百二十里與遼約以分水嶺為界

遼初指蔚朔應三州分水嶺為界後人云以分水嶺為界凡

山皆有分水遼意可以罔取也熙寧八年許之東西失地七

百里遂為異日興兵之端

又取夏葭蘆等四砦哲宗與之於夏分畫久不定遂進討增陝

西河東州軍州一軍二三城九砦二十八堡十

徽宗崇寧中擊吐蕃取湟鄯廓三州二十餘壘奸臣又為鑿空之說

馳封域之表訖重和立靖夏等三城屬涇原尋西南亦迭相視

效斥大土字無甯歲凡所建州軍關城砦堡紛然不可復紀

及金太祖起金事詳於後共約夾攻遼割地金遂伐遼陷五京禽遼

主天祚天祚族子耶律濬據南京號北遼尋亡

宣和四年金致燕雲之地於宋置燕山治燕山府一州九縣三十雲中治雲中府

府一州八二路為二十五路

初遼太祖得平州改遼興路以營樂二州隸之號平州路太

宗以燕山六州為燕京路與平州自成兩路宋與金議割地

但云燕雲兩路而已破遼之後金人復據平州路後阿南不

由平州入寇乃當時議割地者不明地理之故也

至是宋有京四府三十州二百五十四監六十三縣千二百三十四戶

二千八十八萬二千二百五十八口四千六百七十三萬四千

七百八十四

支那疆域沿革略說

宋遼疆域沿革

李

經三歲金人兩路入寇圍汴京執徽欽二帝去中原板蕩州郡

淪沒

高麗 宋初每朝貢太宗淳化五年遼來伐王治請和奉遼

正朔遼與鴨綠江東地自是與宋中絕康兆弒王誦立洵

遼伐之斬兆陷開城洵奔平州尋稱臣仍築興鐵等六州

城遼怒求其地不許復來伐洵與女真邀擊大破之遂遣

使于宋時有州郡軍百餘置十路每州管轄五六小者亦

三四國境南北千五百里東西二千里子欽時乘遼內亂

置北邊關防起鴨綠江至靜邊在咸鏡道高原郡和州同永興府延袤

千餘里壘石築之高厚各二丈五尺遼興宗責之復請和

至王徽兩通宋遼大觀元年王侯大破女真定疆界盡復

古高麗舊地女真連年來爭中外騷然遂和還其地於女真尋金起屬之

交趾 唐置安南都護府梁貞明中土豪曲承美專有之南漢劉隱擊執之楊廷藝據其地有十二州尋亂宋初丁部領與子璉平之都華閩人貢於宋封交趾郡王進南平王後皆仍之璿立尚幼黎桓擅權宋來伐敗還桓自立又貢於宋真宗時子龍鋌卒李公蘊篡立遷都大羅擊暹破之神宗時日尊擊占城取三州稱帝號大越子乾德熙寧八年入寇陷欽廉邕等州宋擊降之然歷哲徽兩朝猶不化順

第十三圖 南宋金疆域沿革

支那疆域沿革略說

南宋金疆域沿革

全

宋高宗即位南京

應天府宋州

金人入寇幸揚州又至杭州金兵入

江南帝航海以避之韓世忠敗兀朮於黃天蕩

在今江甯府東北

金人

引去乃復淮南定都臨安府

杭州

初女真太祖

完顏阿骨打

起兵

宋徽宗政和四年

取遼甯江州陷黃龍府遂

稱帝國號金

女真 其先出黑水靺鞨居肅慎之地東瀕海南接高麗唐

玄宗置黑水府後屬渤海契丹其在南者籍契丹號熟女

真在北者不入契丹籍號生女真始祖函普居完顏部僕

幹水之涯曾孫綏可徙居海古水始築室耕墾樹藝呼其

地爲納葛里遂定居於按出虎水之側子石魯之時部落

寢彊至子烏古迺役屬諸部襲五國蒲聶部禽其酋遼授

生女真節度使紀綱漸立子劾里鉢破桓被散達等諸部
弟頗刺淑盈哥襲為節度使其地東南至乙離骨曷懶耶
懶土骨論東北至五國主隈禿答烏古迺子烏雅東嗣高
麗來侵取曷懶甸擊破之復其地弟阿骨打嗣是為太祖
自烏古迺時屢從軍有功盈哥時紇石烈部阿疎叛入遼
女真索之不與又遼使屢入境貪縱公私厭之太祖常以
此二者責遼遼主不聽遂起兵伐遼

尋陷遼陽州縣逆擊遼主天祚敗之遣諸將取五京太宗晟虜遼
主滅之遂侵宋圍汴執二帝欽徽陷四京立劉豫為齊帝都太名

府後徙汴以鎮中原熙宗亶廢豫建六京

上京即海古之地初稱內地太宗建都為會甯府熙宗天眷元年為上京海陵貞元二年罷稱會甯府世宗大定十年

支那疆域沿革略說

南宋金疆域沿革

三

三年復為東京遼陽府本遼東京金因之北京遼上京金初因之天眷元年改為北京海陵天德二年

罷為臨潢府中京夫定府遼中京金初因之貞元二年改為北京宣宗時陷元以洛陽為中京

西京大同府遼西京金因之南京大興府遼南京金初以平州為南京尋取燕仍為南京貞元元年

年遷都於此號中都以汴京為南京

宋請和於金金許之東西南三京宋三京即汴洛陽宋州壽春府宿亳曹

單四州及陝西京西諸州入于宋以河為界既金背盟入寇復

陷河南陝西岳飛擊破之逼汴京秦檜主和紹興十二年東畫

淮割京西唐鄧二州京西南路止有襄陽一府西割商秦之半以散關為界

陝西路止有階成和鳳四州於是宋僅有十五路府州軍百九十縣七百三

浙西治臨安府府四州三軍一浙東治紹興府府三州四

以上二路本兩淮南東治揚州州九軍四宿亳二州入金淮南

浙路南渡後分

西治壽春府府三州六軍四 江南東治江甯府府二州五

軍二 江南西治隆興府府一州六軍四 以上二路建炎四年合為江南路紹

興初復分 荆湖北治江陵府府三州九軍三 荆湖南治潭州

府一州六軍三 以上二路紹興元年分七州一軍為東路治鄂州七州一軍為西路治鼎州二年罷仍為

南 福建治福州府一州五軍一 成都治成都府府三州

十一軍二 潼川治潼川府府三州八軍三 利州治興元

府府三州十二軍二 紹興中分一府七州一軍為東路治興元七州為西路治興州孝宗以後分合

不一寧宗嘉定三年復合 夔州治夔州府三州八軍三 廣南東治廣

州府三州十一 廣南西治靜江府府二州二十軍三

寧宗嘉定十一年戶千三百六十六萬九千六百八十四

金置十四總管府為十九路 府節鎮防禦刺郡百八十六

支那疆域沿革略說 南宋金疆域沿革 奎

上京治會甯府府一節鎮四防禦一 咸平治咸平府府一

刺郡一 東京治遼陽府府一節鎮一刺郡四 北京治大

定府府四節鎮七刺郡三 西京治大同府府二節鎮七刺

郡七 中都治大興府府一節鎮三刺郡十 南京治開封

府府三節鎮三防禦八刺郡九 河北東治河間府府一節

鎮二防禦一刺郡五 河北西治真定府府三節鎮二防禦

二刺郡五 太宗天會七年析河北為東西 山東東治益都府府二節鎮二

防禦二刺郡七 山東西治東平府府一節鎮二防禦二刺

郡五 大名府治大名府府一刺郡三 河東北治太原府

府一節鎮三刺郡九 河東南治平陽府府二節鎮三防禦

一刺郡六 天會六年析河東為南北 京兆府治京兆府府一節鎮一防

禦一刺郡四

宋永興軍路金熙宗皇統二年并陝西路為京北慶原熙秦鄜延四路

鳳翔治

秦州府二防禦二刺郡二

初隸熙秦路世宗大定二十七年改

鄜延治延安

府府一節鎮一刺郡四

慶原治慶陽府府一節鎮二刺郡

三 臨洮治臨洮府府二防禦一刺郡四

大定二十七年分熙秦為臨洮鳳翔

二路。以上係世宗以後制今據金史地理志

金之壤地封疆東極吉林蜜雅呼達噶境北自扶餘路之

北三千餘里和羅和博穆昆地為邊右旋入秦州博勒果

所浚界壕而西經臨潢金山跨慶桓撫昌淨州之北出天

山外包東勝接西夏逾黃河復西歷葭州及米脂塞出臨

洮府會州積石之外與西羌地相錯復自積石諸山之南

左折而東逾洮州越鹽州堡循渭至大散關北並山入京

支那疆域沿革略說

南宋金疆域沿革

畜

兆絡商州南以唐鄧西南皆四十里取淮之中流為界方

萬餘里

金海陵

亮

遷都燕京復入寇陷兩淮海陵被弒世宗

雍即位遼

陽尋都燕宋孝宗共和如紹興之約此後南北講和殆四十年

寧宗之時韓侂胄啓釁金章宗

璟

遣兵來侵淮南而蒙古起于

北伐金

衛王永濟之時

陷西北二京諸州宣宗

珣

遷都於汴以避之中

原尋陷宋夏亦乘隙取金諸州蒙古滅夏圍汴京金主

哀宗

守緒奔

保蔡州蒙古與宋約夾攻陷之金亡

宋分陳蔡西北以屬蒙古尋背約伐汴洛蒙古發兵取宋隋郢

諸州成都利州潼川三路皆陷宋雖復成都府唯存夔州一路

及潼川路之瀘合二州順慶一府而已蒙古世祖忽必烈立陷襄

陽遂大舉入寇伯顏入臨安宋主累降

夏 乾順時金滅遼許割天德雲內等地與之宋靖康元年夏取之尋金掩奪其地乃責償於宋爭環慶鄜延等地歷仁孝純佑安輯一方遵頊時蒙古來伐圍興州遵頊奔平涼至睨遂降蒙古夏亡

西遼 耶律大石遼太祖八代孫也遼主天祚出奔大石自立爲王西至可敦城駐北庭都護府諭諸部得精兵萬餘假道回鶻兵行萬里歸者數國至尋思干破忽兒珊降回回西至起兒漫稱帝都虎思斡耳朵世號西遼至孫直魯古爲乃蠻屈出律所擒國亡起於宋宣和六年亡於嘉定四年凡五代八十八年

支那疆域沿革略說

南宋金疆域沿革

三

高麗 王侯卒子楷立僧妙清據西京平壤反明年平之至子睨鄭仲夫放之巨濟立弟皓金甫當起兵東界討仲夫不克趙位寵亦起兵西京請以崑嶺以北四十餘城屬金世宗不許遂敗王暉時蒙古來侵遷都江華請和以族子爲質子禎立林衍廢之蒙古責之衍憂死王復位還都開城自王楷後權臣擅政國勢大衰

安南 卽交趾也宋高宗建炎二年乾德卒至天祚國中殷盛南洋諸國及緬暹等屢來互市宋賜名安南封國王安南之號始於此子龍翰時占城王侵掠乂安府晚年土民蜂起國中多事子岳多病陳煥配其女昭皇遂篡立分國爲十二州占城來侵擊破之宋理宗寶祐五年蒙古兀良

合台來伐至洮江還颺度其終不可爭請和後以每三年朝貢爲例

第十四圖 元代疆域沿革

元太祖奇渥溫 鐵木真蒙古人也

蒙古 韃靼一部其始祖印度穀楚繖巴喇國烏迪雅納汗

孫嚕巴迪一作尼雅 特贊博汗至土伯特爲汗八傳至智固本國大

亂其三子布爾特齊諾奔必塔蒙古地爲其酋子曰必塔斯

干十一世朵奔蔑兒干生孛端又兒降幹難河東鄂郭爾

察克居之五世孫海都移帳入刺合黑河鄰部歸者漸眾

曾孫合必勒始稱合罕遺言以叔父之子俺巴孩領其眾

是爲泰赤烏氏爲塔塔兒部所執金人殺之諸部立合必

支那疆域沿革略說

元代疆域沿革

卷

勒子忽都刺爲合罕卒立海都曾孫也速該子鐵木真卽

太祖也

滅泰赤烏塔塔兒克烈乃蠻蔑里乞諸部遂卽帝位稱成吉思

汗元年宋寧宗開禧二年 金章宗泰和五年畏吾卽回鶻降二年遣長子朮赤伐幹

赤刺吉利吉思卽黠戛斯諸部降之初金殺俺巴孩太祖怨之六年

親伐金取西京大同府及雲內東勝等州東過平樂南至清滄由

臨潢過遼河西至忻代皆降於蒙古尋圍中都大興府 卽燕京陷北京

大定府金主宣宗遷汴遂取中都始建行省金主請和許之遣弟哈

撒兒平女直女真改 代女直高麗降之又伐夏圍興州夏主遵頊奔西涼

十四年回回殺蒙古使者太祖乃親西征初乃蠻亡王子屈出

律奔西遼禽其王直魯古篡位其地亘葱嶺東西自今天山北路及浩罕境太

祖經畏吾直攻訛夷朵城即西遼都虎思幹耳朵屈出律與回回王札刺

丁共拒之太祖擊破之拔尋思干即撒麻耳干西遼為河中府卜哈爾即不花刺

城破鐵門關渡阿母河禽屈出律札刺丁逃印度太祖命朮赤

等略花刺子模拔玉龍傑赤金基華遣四子拖雷取馬魯察葉可

即麻里兀徒思即途思匿察兀兒即乃沙不耳等別遣速不台繞寬甸吉思

海即裏海之西拔設里汪谷兒只二國踰太和嶺敗欽察阿羅思

即俄羅斯二國取不里阿耳西征七年盡定西域易前代地名以蒙

古語遂班師尋滅夏降土伯特

太宗窩瀾台二年始定十路徵收課稅

燕京 宣德 西京 太原 平陽 眞定 東平 北京

平州 濟南

支那疆域沿革略說 元代疆域沿革 七

先是太祖遣木華黎等攻金至是陷蔡州金亡始城和林今西庫倫

都之又遣拔都等伐康里欽察阿羅思取之太祖末年封長子

朮赤以西北欽察諸國於是其地接那窩俄落共和國今俄羅斯之地

封二子察哈台以途魯吉即土耳其斯坦柯耳魯等之地

憲宗蒙哥二年命忽必烈平大理遣兀良合台伐安南又遣旭烈

兀征西域諸國八年設里奚即木乃奚勃達即波斯哈里發即愛馬罕欣都

即溫都斯坦乞失迷耳即喀什迷耳等悉平以其地封旭烈兀

世祖忽必烈中統元年置十三路宣撫使

燕京 益都 濟南 河南 北京 平陽 太原 眞定

東平 大名 彰德 西京 京兆

以開平爲上都燕京爲中都至元八年改大都因都之國號元伐宋取

蜀陷襄樊大舉逼江南宋主熈降二王昺奔閩廣追平之宋亡

又略安南占城伐緬下之唯侵我日本大敗伐瓜哇無功還

於是其版圖超越前古東至高麗南極占城北包吉利吉思西

至黑海入歐羅巴東南所至不下漢唐而西北則過之有難以

里數限者乃置中書省一行中書省十一路百八十五府三十

四安撫司十五縣千二百二十元制有路府州縣四等大率以

路領州縣而或有以路領府府領州州領縣者其府與州又有

不隸路而直隸省者今圖上揭直隸路府而州以下略之

中書省治大都統山東西河路二十九州八屬府三屬州九

縣三百北謂之腹裏嶺北太宗以下都此世祖中統元年

四十六行中書省嶺北遷都大興置都元帥府于此後

止設宣慰使復立都元帥府成宗大德治和林遼西至元

十一年立行省仁宗皇慶元年改嶺北治和遼西至元

四年立東京行省治遼陽路七府一屬州十二屬縣十徒存

二十五年改遼陽治遼陽路七府一屬州十二屬縣十徒存

支那疆域沿革略說元代疆域沿革

邑者不在此數河南至元十三年立江淮行省於揚州二十治汴

梁路十二府七州一屬州三十四屬縣百陝西中統三年

川行省至元二十三治奉元本京路四府五州二十七屬州

年分爲陝西行省治奉元本京路四府五州二十七屬州

十二屬縣八四川至元二十治成都路九府三屬府二屬

州三十六軍一屬縣八十一蠻夷甘肅至元十治甘州路

七州二屬州五雲南至元八年分爲南北中治中慶本善

路三十七府二屬府三屬州五十四屬縣四十七其餘甸寨

江浙至元十五年立泉州行省十八年徙福州十九年還

杭州改日江治杭州路三十府一州二屬州二十六屬縣百

浙廢福州治杭州路三十府一州二屬州二十六屬縣百

江西至元十四年立十八年并治龍興本洪路十八州九

屬州十三屬縣七湖廣至元十一年立荆湖行省于鄂州

屬州十三屬縣七湖廣至元十一年立荆湖行省于鄂州

立于武昌十
九年改湖廣 治武昌路三十州十三安撫司十五軍三屬府

三屬州十七番民總管一屬縣百 征東至元中立尋廢後廢立不一英宗至

治元年 復立 治高麗開城府二司一勸課使五

戶千三百十九萬六千二百六口五千八百八十三萬四千七

百十一

又置阿母河行省治葱嶺以西中葉後 阿里麻里今伊犁 元帥府

治天山以北別失八里今烏魯木齊 元帥府治天山以南曲先今安西州

元帥府治土魯番以東

至順帝所在盜起割據各地

天完 徐壽輝都蘄水後徙漢陽又江州為漢所滅

吳 張士誠據平江取湖松常杭州

支那疆域沿革略說 元代疆域沿革 堯

宋 劉福通擁韓林兒據亳陷汴京都之尋敗奔安豐為吳

所滅

漢 陳友諒滅天完取其地都江州

夏 明玉珍據成都取蜀雲南至子昇亡

方國珍據台溫慶元三州 郭子興據滁州 陳友定據汀

州徙延平取閩 何真起兵於廣州取惠循二州 劉益據

遼陽

朱元璋起兵於濠州盡并諸豪遂伐元滅之順帝奔開平

中葉以後葱嶺以西各自為國不復受統轄尤赤之後至元末

第九世有月祖伯後分為加戛哥力米阿薩塔干月祖伯數部

月祖伯最強四部後共為俄羅斯所并察哈台之後第九世有

赤因帖木兒至明初國亂族子帖木兒起并波斯及印度都撒
麻兒干威震四隣後國又亂月祖伯取之今卜哈爾王復分裂
爲卜哈爾浩罕基華諸國今皆屬俄羅斯旭烈兀之後亦割裂遂爲波
斯所滅

高麗 王禎以來常服屬於元王之廢立皆聽之於元屢入

朝在大都元以西京平壤爲東甯府屬遼陽行省以慈悲嶺

卽嶺爲界又立征東行省於開城以王領之子距從元侵

我日本大敗至王顓元政亂不欲屈從停元正朔復官制

遣兵渡鴨綠江收復舊境元責之時宋將關先生等來侵

陷京城王奔尙州尋伐平之

安南 陳暎卒子晃立遣使於元子吟時元將伐占城假道

支那疆域沿革略說

元代疆域沿革

七

吟不聽元來伐吟敗奔清華尋破元師還都請和朝貢子

焯立與占城婚得其昭順昭化二州至陳暎元亡

第十五圖 明代疆域沿革

明太祖

朱元璋

洪武元年卽帝位於應天府

元至正十六年太祖取集慶路改應天府

更爲南京

十一年改稱京師永樂元年仍稱南京

都之以開封府爲北京

七年廢京爲府

伐元拔大都

改爲北平府

追元主陷開平應昌元嗣主愛猷識理達

臘奔和林元將擴廓帖木兒保甘肅又擊破之擴廓亦奔和林

四年劉益以遼東降伐夏明昇滅之中原盡平六年徽州郡山川

圖九年改行中書省爲布政使司十四年定雲南元遺臣屢爲

邊患遣燕王棣征和林

建文立并省州縣削諸藩王地於是靖難師起成祖立改北平

為北京

順天府

稱行在永樂十八年遷都之

英宗正統六年罷行在為京師平

安南定思南增交趾貴州二布政司

交趾尋廢

始有二直隸十三

布政使司

府百四十四州百九十三縣千三百三十三羈縻府十九州四十七縣六兩京都督府分統都指揮司十六行

都司

京師

洪武元年分屬河南山東二年置北平行省永樂十九年為直隸

治順天府府八直隸

州二屬州十七

縣百十六萬全都指揮司治宣府衛十五守禦三堡五北平行都指揮司本治大寧永

樂元年徙保定以下都司與布政使司同處者不別揭

南京

元至正十六年太祖置江南行省洪武元年為

直隸治應天府

距京師二千里五百五十里府十四直隸州四屬州十七縣九

山東

洪武元年置

治濟南府

京師九百里南京千八百五十里府六屬州十五

縣八十九遼陽都司治遼陽衛二十五州二

山西

洪武二年置

治太原府

京師千二百里南京

二千四百里

府五直隸州三屬州十六

縣七十九

河南

洪武元年置河南江北分

支那疆域沿革略說

明代疆域沿革

圭

省二年為河南行省

治開封府

京師千五百八十里南京千七百七十五里府八直隸州一屬

州十一

縣九十六

陝西

洪武二年置

治西安府

京師二千六百五十二里南京二千四百三

里府八直隸州二屬州十九

縣九十五。行都司治里南京二千四百三十

年置

治成都府

京師一萬七百里南京七千二百六十里府十三直隸州六

宣撫使一安撫使一屬州十五長官司十六

縣百一十一。行都司治建昌衛

衛五所八

江西

元至正二十二年太祖置

治南昌府

京師四千七百七十里南京千五百二十里府

十三屬州一

縣七十七

湖廣

元至正二十四年太祖置

治武昌府

京師五千七百七十里

南京千七百七十五里

府十五直隸州二屬州十七

縣百七

浙江

元至正

年太祖置

治杭州府

京師三千二百里南京九百里府十一屬州一

洪武二年置

治福州府

京師六千三百三十三里南京二千八百七十二里府八直隸州一

屬縣五十七

廣東

洪武二年置

治廣州府

京師七千八百三十五里南京四千三百里府

十直隸州一屬州七縣七十五 廣西洪武二年置 治桂林府京師七千四百

六十二里南京四府十一州四十八長官司四縣五 雲南

洪武十五年置 治雲南府京師一萬六千四百四十五 府二十禦夷府二

州四十禦夷州三宣慰司八宣撫司四安撫司五長官司三

十三禦夷長官司二縣三 貴州永樂十一年置 治貴陽府京師七千六百

七十里南京四府十屬州九宣慰司一長官司七十六縣十四

邊陲重鎮九 遼東 薊州 宣府 大同 榆林 甯夏

甘肅 太原 固原

明初疆域東起朝鮮西據土蕃南包安南北距大漠東西一萬

千七百五十里南北一萬九百四里嘉靖以後東起遼海西至

嘉峪南至瓊崖北抵雲湖東西萬餘里南北萬里

支那疆域沿革略說

明代疆域沿革

萬曆六年戶千六十二萬千九百三十六口六千二百七十九

萬九百五十六

韃靼本雅失里殺明使成祖乃擊破之於斡難河既瓦刺殺本

雅失里入寇帝親征破之於土刺河

瓦刺 蒙古部落也在韃靼西元亡其臣猛可帖木兒據之

死眾分爲三曰馬哈木太平把禿孛羅

初太祖置朵顏泰寧福餘三衛於兀良哈助成祖有功與之大

寧地三衛亦陰附韃靼後常爲邊患

成祖又遣鄭和於南洋宣示威德和征舊港二佛 錫蘭蘇門答

刺等滿刺加等十九國朝貢和自成祖至宣宗先後七奉使所

歷自占城至天方亞刺 凡三十餘國

交趾亂明擊平之既黎利起屢敗明軍至宣宗棄之宣宗之時
瓦剌彊盛馬哈木子脫歡殺韃靼阿魯台并其眾英宗之時其
子也先分道入寇遂有土木之變至景帝也先被殺瓦剌遠衰
韃靼孛來毛里孩等相繼復熾始韃靼之來或由遼東宣大或
由寧夏甘肅去來無常爲患不久景泰初始犯延慶天順間潛
入河套居之河套古朔方郡地在黃河南自寧夏至偏頭關延
袤二千里饒水草遂逼近西邊後至正德屢犯北邊世宗之時
小王子東徙俺答據河套獨熾帝謀復河套朝議不諧遂棄之
穆宗立俺答納款西北少寧

自世宗之季海寇闖入東南閩浙爲之糜爛至神宗我豐臣氏
伐朝鮮明援之大敗

支那疆域沿革略說

明代疆域沿革

七三

韃靼俺答死後衰插漢部起屢犯遼薊時清太祖起兵蕩平諸
部瀋遼相繼陷明失遼東

初萬曆之末荷蘭據臺灣熹宗之時遂入澎湖

臺灣

初稱雞籠山在澎湖嶼東北名北港又東蕃永樂之

時鄭和歷諭東西洋獨東蕃遠避不至嘉靖末海寇據此
後荷蘭至事耕鑿設閩閩稱臺灣

至莊烈帝清師入寇犯燕京蹂躪河北山東流賊競起李自成
陷京城帝崩清師敗自成平流賊尋擒明福王於太平勦唐王
於閩滅桂王於滇南明亡

朝鮮

王顥被弑嬖人子辛禡爲嗣洪武二十年禡使李成

桂犯遼東成桂不可回師廢禡立王瑤復廢瑤自立國號

朝鮮都漢陽卽今王城也後仕明恭順朝貢絡繹至李昞萬曆二十年我豐臣氏擊陷王京昞奔義州八道幾沒明師援之皆敗秀吉薨我師歸國僅得復清起征服各部漸逼朝鮮時明文龍鎮皮島朝鮮常餽餉之天啓七年清來伐陷諸州李揮避之江華十年復來伐揮降於清

安南 陳睥通使於明弟陳頤立占城強盛屢來侵至陳暉與戰敗死黎季犛專政廢陳暉立陳顥改交都爲東京置西都於清華又改稱八州分置路州縣顥讓位於竇季犛廢竇自立國號大虞復姓胡氏傳位子漢蒼擊占城取四郡永樂四年明討之五年虜季犛漢蒼改安南爲交趾置布政司設十五府轄四十一州東西千七百六十里南北

支那疆域沿革略說

明代疆域沿革

七

二千八百里化州人鄧悉起兵擁頤子簡定擊破明兵悉子鎔又擁陳季擴據支羅七年明復討之禽簡定執季擴於老撾尋復亂清華人黎利據藍山屢破明軍宣德二年利請立陳暉宣宗許之遂棄交趾明年利篡立國號大越至黎灝雄武滅占城破哀牢犯雲南服緬甸分國爲十三州有五十二府百七十八縣黎瑩立淫縱被弑黎椅立大臣爭權相攻椅依莫登庸嘉靖中登庸擅政椅奔清華登庸立黎椿又廢之篡立讓位子登瀛先是清華人阮淦走哀牢推椅子甯爲主據清華自是安南二分相攻擊淦死其婿鄭檢代執政定近郡黎氏封境大廣萬曆中至黎維潭檢子松大破莫氏莫氏僅保高平一州維潭子維新立

阮塗子潢怒鄭氏擅權自據順化稱廣南王有交南六州安南復分爲二

韃靼 元愛猷識理達臘六傳至坤帖木兒皆未幾被弑鬼力赤篡立爲可汗去國號復稱韃靼永樂六年阿魯台殺鬼力赤迎元裔本雅失里立之爲瓦剌所襲徙居臚胸河

卽克魯倫河

成祖親征眾潰散阿魯台降本雅失里爲瓦剌馬

哈木所殺阿魯台擊破瓦剌漸驕蹇入寇帝親征破之又屢敗於瓦剌東走兀良哈宣德九年瓦剌脫歡殺之收其部立元裔脫脫不花爲可汗脫歡死子乜先益桀驁遂犯明執英宗景泰二年又殺不花自稱大元田盛大可汗恃強驕荒其臣阿剌殺之韃靼部長孛來又殺阿剌立不花

支那疆域沿革略說

明代疆域沿革

三

子小王子自是世以小王子稱而孛來與其屬毛里孩皆雄視部中天順間有阿羅出者潛入河套成化初毛里孩殺孛來逐阿羅出寇大同延綏七年毛里孩等稍衰滿魯都復據河套稱可汗九年明大敗之滿魯都去河套邊患少張弘治中小王子居賀蘭山後併青海及烏斯藏日益強大爲東西邊患十三年入居河套嘉靖中稍厭兵徙幕遼東邊外稱土蠻而諸部落留西北邊者曰吉囊曰俺答據河套躡諸邊二十一年吉囊死諸子散處河西俺答獨熾歲數擾延綏諸邊二十九年入掠京師四十五年稱帝隆慶四年俺答納款封爲順義王許互市子孫襲封而土蠻寇遼塞神宗時李成梁數敗之敵畏之少戢時虎墩兔

居插漢兒亦元裔也強盛併諸部數犯遼東萬曆四十七年清滅北關明昭插部以利思用之捍清而要挾歲賞終無成效崇禎八年清討插部滅之

第十六圖 清代疆域沿革

明萬曆十一年清太祖起兵

清 初稱珠申即肅慎之轉也後改滿珠漢譯為滿洲始祖居甯古塔至肇祖徙赫圖阿拉即興京 歷興景顯三祖景祖女嫁隣酋明襲之景顯二祖赴援族尼堪外蘭叛二祖戰

死太祖嗣立

先討尼堪外蘭滅之時有滿洲五部

蘇克素護河 渾河 完顏 棟鄂 哲陳

支那疆域沿革略說

清代疆域沿革

美

長白二部

訥殷 鴨綠

東海三部

渥集 瓦爾喀 庫爾喀 在甯古塔東

扈倫四部

葉赫 哈達 輝發 烏拉

皆金代部落遺種也太祖取滿洲長白通市於明扈倫最彊率蒙古來侵太祖擊破之取其三部略東海四十四年即帝位建元天命伐明克撫順等諸城滅葉赫是時疆域西至遼南至朝鮮東至海北至黑龍江

尋盡下遼河以東天命七年以遼陽為東京 順治十年為府 康熙四年為州 十

年遷都瀋陽天聰五年為盛京順治十四年置奉天府太宗滅插漢即察哈爾元裔也降朝

鮮崇德元年國號清伐明掠河北山東七十餘郡克索倫遼裔在黑

龍江內蒙古先後來歸

蒙古分為四大部

漠南內蒙古 共二十五部東抵吉林西至賀蘭山南界長

城北抵瀚海袤數千里

漠北外蒙古 又曰喀爾喀元太祖之裔世汗之號士謝圖

汗并其族車臣汗札薩克圖汗為三部東界黑龍江西界

厄魯特北界俄羅斯南盡瀚海東西五千里南北三千里

漠西厄魯特 又作衛拉有四部準噶爾居伊犁杜爾伯特

居額爾齊斯土爾扈特居塔爾巴哈臺北去後輝特代之

支那疆域沿革略說

清代疆域沿革

三

皆瓦剌也先之裔也和碩特居烏魯木齊元太祖弟合撒

兒之裔也

青海蒙古 和碩特固始汗明末徙居青海并喀木衛藏其

子姪分居套西是曰賀蘭山又阿拉善厄魯特

世祖順治元年敗李自成入都燕京遂定中原清初各省皆因

明制但改南直隸為江南省聖祖康熙二年分陝西置甘肅省六年分江

南為江蘇安徽分湖廣為湖北湖南於是有二京十八省 京

師順天府 盛京奉天府京師千四百七十餘里京一府二州四縣後府

三州五廳四縣

直隸治保定府京師三百三十里順治元年府十直隸州六

山東治濟南府京師南八百里府十州二 山西治太原府京師西南

千二百里 府九州十廳七 河南治開封府 京師西南千五百四十里 府九州

四 江蘇治江甯府 京師南二千四百里順天府曰江甯府 府八州三廳三

安徽治安慶府 京師南二千七百里 府八州五 江西治南昌府 京師南二千三百里

西南四千八百五十里 府十三州一 後省 浙江治杭州府 京師南三千三百里 府十州二 後省

府十一 福建治福州府 京師南三千三百里 府十州二 後省

湖北治武昌府 京師西南三千五百五十里 府十 湖南治長沙府 京師西南二千六百五十里 府七

四十五里 府九州四 陝西治西安府 京師西南四千四百四十里 府九州六 後省 四

州五 甘肅治蘭州府 京師西南四千四百四十里 府九州六 後省 四

川治成都府 京師西南五千七百十里 府十一州九廳六 後省 十二州八

廳三 廣東治廣州府 京師西南五千七百七十里 府十州三 後省 九州

四 廣西治桂林府 京師西南四千四百六十里 府十一州一 雲南治

支那疆域沿革略說

清代疆域沿革

夫

雲南府 京師西南八千二百里 府十四州四廳四 貴州治貴陽府 京師西南

西南七千六百四十里 府十三廳一 後省 十一州一廳三

又置奉天 康熙元年始設於遼東四年徙奉天 甯古塔 康熙元年置十年移駐吉林 黑龍江將

軍 康熙二十二年置二十九年徙墨爾根三十八年徙齊齊哈爾 是為東三省

初明鄭成功據臺灣子經嗣屢擾閩浙二十二年經子克塽降

二十四年置臺灣府 後為省治

喀爾喀亂準噶爾酋噶爾丹乘隙襲之喀爾喀走投於清噶爾

丹并其地先是殺青海車臣汗兼有厄魯特南略回部 即漢西域地至

元回教始盛 威令至西藏至是東犯入內蒙古帝親征大敗之

噶爾丹自殺阿爾泰山 即金山 以東皆復乃歸喀爾喀於故地拓

西北至烏梁海科布多而噶爾丹姪策妄拉布坦據準部

西藏本吐蕃元明爲烏斯藏其人謂之唐古特又土伯特有四部東西六千餘里南北五千餘里

東曰青海曰喀木亦作察木多又曰康爲前藏在四川省西塞外 西曰衛卽布達拉爲中藏本吐蕃建牙之地 曰藏卽札什倫布爲後藏

青海固始汗以衛藏給達賴班禪二喇嘛以法王兼藏王

噶爾丹破青海汗絕及噶爾丹亡復之以固始汗孫達什巴圖爲和碩親王策妄襲西藏清兵擊逐之世宗雍正元年青海達什巴圖子羅卜藏叛清兵討之奔準部清兵破準部策妄子策零城科布多尋徙之察罕瘦爾乾隆中徙烏里雅蘇臺分喀爾喀土謝圖汗置三音諾顏部喀爾喀爲四部分青海爲二十九旗

支那疆域沿革略說

清代疆域沿革

完

高宗乾隆十年準部亂討之降諸部回部叛喀什噶爾汗子博

羅尼都據喀什噶爾其弟霍集占據葉爾羌又討平之二十六

年置伊犁將軍節制天山南北路鎮惠遠城建迪化州烏魯木齊鎮

西府巴里坤。伊犁屬城九置南路大臣於喀什噶爾東西各四城并

東路三城共十一城道光緒十一年徙鎮葉爾羌後以天山南北路爲新疆省東西六千餘里南北

三千餘里葱嶺以西布魯特哈薩克愛烏罕浩罕巴達克山諸國皆

來貢

征緬甸都阿瓦有十三路袤約三千里緬甸請和暹羅安南亦朝貢廓爾喀在

藏西南鄰印度侵掠西藏清兵擊破之置戍兵於藏初雍正五年駐大

臣於藏至是其權等諸王

先是俄羅斯卽阿羅思至明始大嘉靖中并西伯利萬歷十二年始置將軍鎮之始通使求互市

清國不聽康熙二十二年俄國置將軍於雅克薩即清置黑龍江將軍處也二十四年清伐之俄兵敗保尼布楚明年俄兵復雅克薩清兵攻之不能拔二十八年和議成定疆界循失耳哈河額爾古納河踰外興安嶺至海以南屬清以北屬俄開市場於恰克圖雍正六年再交換條約於恰克圖以恰克圖河岸中央地折半分屬建界標十一年清始遣使於俄俄國置東西伯利總督後清舉黑龍江以北及自烏蘇里江口沿河至圖們江口以東屬俄國於是俄國悉有東海沿岸之地

安南 順治中阮潢曾孫福晉立并占城康熙中黎維新孫維裕滅莫氏阮福晉子福泰略柬埔寨置三州乾隆中曾孫某稱武王封其族於柴棍又取柬埔寨大半至子福順西

支那疆域沿革略說

清代疆域沿革

八

山州酋阮文岳叛據平定福順奔柴棍被殺交趾皆陷姪福映立奔暹羅文岳稱帝遣弟文惠攻黎氏陷東京黎維祁奔清黎氏亡文惠自立稱王至子弘瑞殺文岳并其地雍正中福映假兵於暹復柴棍初明萬曆末法蘭西宣教師來交趾至是福映又乞援於法國復平定順化遂滅阮弘瑞悉有東京交趾稱越南王都富春至曾孫弘任又作福時咸豐中屢殺教師嚴禁耶穌法軍來攻陷柴棍取下交趾同治末弘任遂與之盟受其保護

支那疆域沿革略說

終

